

MONESKO

...mu chigolomiro chane chifukwa cha ghanandi, maupharazgi fiftini mu Arizona. Tikaŵa na nyengo yiweme. Fumu Yesu wakatitumbika waka chomene ise, mwakwandaniska. Iwo wakayezga kuti wapange pachoko waka vyā kachitiro ka Fumu, ine nkugomezga ichi, iyo yiŵenge nthowa yiweme ya kuchitira ichi, kunjira na kuwotcha malo, chakudankha. Ine nkhanjiramo mazuŵa ghanandiko pambere nyengo yikaŵa yindafike, nkhaŵa na maupharazgi teni panji thweluvu ku mipingo yose yikuruyikuru mu Phoenix yose, Sunnyslope na Tempe na Mesa na kusika kujumpha kula, na kuchita kuwotcha palipose zingirizge ndipo pamanyuma chose chikamalira ku mausiku ghankonde gha ungano ukuru. Ndipo ukaŵa ungano ukuru chomene uwo ise tikaŵa nawo Kumpoto kwa America. Uwu ukaŵa umoza ukuru. Chakurya chikuru chomene cha mlenji, ndipo—ndipo kweniso—phwando usiku ula.

² Ine ningayowoya yayi kasi wakaŵa walinga awo wakapokera Mzimu Mutuŵa. Ichi chikaŵa—ichi chikaŵa chakukondwereska unandi wa awo wakapokera Mzimu Mutuŵa, na unandi wa awo wakachizgika ndipo—ndipo wakaponoskeka, ichi—ichi chikaŵa waka chiweme. Ntheura ise ndise wakuwonga kwa Chiuta apo ise tikuwona nyengo yikuruta. Wantru wanandi wakuruŵakuru wakiza. Yumoza wa...

³ Ichi chimuchitirenge M'bale Neville uweme ukuru chomene. Ine nkawona mupharazgi wa Prezibetere, kufuma ku Koleji yikuru chomene ya Prezibetere mu...mu charu ichi, wakuvina mu Mzimu. O, mwe, chikaŵa nadi chinyake, iyo wakapokera Mzimu Mutuŵa. Ndipo pamanyuma iyo wakandiphalira ine, iyo wakati, "Ine ndiri na yimoza ya matepi ghako." Wakati, "Yikaŵa yiweme viŵi yayi." Wakati, "Iyi yiri ngati yakudukaduka waka ntheura, kweni," wakati, "Ine nkharuta nayo nkhanira mu koleji yane ndipo nkayilizga iyi." Ndipo wakati...Pakuŵa munthu mukuru wa kuwazga malingaliro kula, iyo wakawakhazika chete wose. "Enya, iwo wakwenera kuti wazakayipulikeso Iyi, munthowa yiriyose," iyo wakayowoya. Ndipo iyo wakati iyo wakaŵa...

⁴ Ndipo wakati iyo wakayamba kuvina mu Mzimu ku tchalitchi kwake, para iyo wakati wapokera Mzimu Mutuŵa, ndipo iwo wakati, "Wakuchindikika, kasi imwe muzamusambira pauli stepu yiphya?"

⁵ Iyo wakati, "Para gulu lane lasambira yimoza iyi." Nkhaghanaghana kuti chira chikaŵa chiweme chomene, imwe mukumanya, urongozgi wa Chiprezibetere, enya, wakati, "Para

gulu lane lasambira yimoza iyi.” Ntheura icho ndi chinthu chiweme. Kuyana waka na bonda muchoko, muphyia waka ndipo kweni iyo wali kuwa... Enya, imwe mukumanya icho iyo wakayenera kuti waŵe, kuti waŵe nkhantha wa kuŵazga malingaliro mu Koleji yikuru chomene ya Prezibetere mu Boston, enya, iyi yiri mu United States.

⁶ Ine nkawona yumoza wa madokotala ghakuru gha mtima pa Mayo wakupharazga Ivangeli mu Mzimu na kuyowoya malilime. O, mwe! Ine nkawona kaswiri munyake wapadera, uyo wakaŵa wa Seventh-day Adventist, kufuma ku... Iyo wakaŵa—a—kaswiri pa mtima na chigolomiro nachoso, ndipo iyo, munthu mulara, wakapokera ubapatizo wa Mzimu Mutuŵa. Iyo wakapokera Uwu. Usiku umoza ine nkhaŵika mawoko pa iyo mu vipinda, ndipo iyo wakapokera Mzimu Mutuŵa. Ntheura ise... vinthu waka vinandi chomene ivyo Fumu yithu yikachita kuti ise ndise wâkuwonga, ndipo chomenechomene kulaŵiskanga pa nyengo iyi.

⁷ Pamanyuma ine nkhayowoya kwa iwo, “Kasi imwe mukumanya kasi ili ndi ora uli apo mwali wakupusa wakuyamba kupempha mafuta?” Yikâwa nyengo apo Mwenenthengwa wakiza, ndipo wantru, awo wâkunozgeka wakanjira. O, ine ndine wakukondwa chomene kumanya kuti ise tikukhala kuno mu mazuŵa agha ghaumaliro. Mukuwona? Ine nkugomezga kuti ise tikukhala mu yimoza ya nyengo ziweme chomene izo charu chiru kumanyapo, nkhanira kufupi waka ku Kwiza kwa Fumu. Ntchiweme yayi icho? Ghanaghanani, kuti pafupifupi nyengo yiriyose sono, Malemba ghose pafupifupi ghakwaniriskika! Ndipo ntheura ise tikukhazga Iyo pa nyengo yiriyose. Ndipo ise tikwenera kukhala umoyo pasi pa mtundu ula wa kukhazga, kuti, nyengo waka yiriyose ichi chingamanya kuchitika. Khalani wâkupemphera, nozgekani!

⁸ Pa wâkukumana nawo wânyake muhanyauno, ine, yumoza, ine nangukumana na wamishonare kufuma ku Formosa, mwanakazi wachikanga, virimika sevente-firii vyakubabika, ndipo wakajumpha pafupifupi fote-fayivi. Ndipo iyo wachali—Miss, ndipo wakwenera kuti wakaŵa msungwana wachichepere wakutowa. Ndipo iyo wakati wakalerekera mu nyumba ya Chikhristu uko “enya” wakang’anamura enya, ndipo “yayi” wakang’anamura yayi. Ndipo iyo wakakulira pasi pa kusambizga kwambura kunyengelera kula. Ndipo iyo wakati, “M’bale Branham, pa msinkhu wa pafupifupi, o,” wakati, “pafupifupi virimika eyiti vyakubabika, ine nkaghaganaghana kuti ine nkhapereka umoyo wane kwa Fumu Yesu.” Iyo wakati, “Pafupifupi msinkhu wa virimika thweluvu vyakubabika, ine nkhangengeta na mupharazgi munyake wa bungwe, kuti ine nkuyenera kuti nipokere thumbiko lachiŵiri,” ndipo wakati, “ndipo nkhausikika mwakofya mu ichi.” Kweni mwanakazi wakati, “Pafupifupi virimika seventini vyakubabika, ine

nkhapokera nadi Mzimu Mutuŵa.” Ndipo iyo wali kuno sono kuyezganga kuti wawuske mipingo yinyake iyi yakugona tulo ya Baptist. Iyo wakati usange—usange chikâwako chinyake icho iyo wakawona kuti chikâwa “chakufwa,” iyo ndi wa Baptist iyomwene, iyo wakati, “kasi mipingo yakufwa iyi ya Baptist yafika kuno.” Iyo wakayizunura iyi “mamochare.”

⁹ Ine nkhati, “Enya, ine nkhusachizga kuti para iwe uli ku malo ghankhondo...” Ine nkughanaghana kuti sono iyo ndi...Ghanaghanani waka, ine, fifite-thu, iyo wakaŵa kuwaro ngati wamishonare pambere ine nkhaŵa nindababike. Ndipo pamanyuma ine nkughanaghana kuti ine nkuchekura chomene kuti ndirute ku malo ghauteŵeti. Ndipo ine nkughanaghana, “Mwe, mundigowokere ine, Fumu.”

¹⁰ Ndipo iyo, muweme, wakuŵara waka na wamahara umo iyo wakamanya kuŵira. Ndipo pamanyuma kundiphaliranga ine vyakumuchitikira mu ulendo, na umo Ivangeli likakhumbikiranga mu Formosa na—na China, na Japan, na kunyake ntheura. Ntheura iwo wakamuwezgako iyo ku malo ghakukatumikira, wakati, “Iwe ungaruta yayi kukatumikira para iwe wajumpha sevente, imwe mukumanya.” Ntheura iwo wakamuwezgako iyo. Kweni iyo wakhalenge chete yayi, iyo wakuruta ku maungano ghakuru ghose agha gha Baptist. Ndipo iyo wakati, “Billy Graham,” wakati, “umo iyo wakanyamuliranga uthenga wa Baptist, yikaŵa ngongole ku mpingo wa Baptist.” Wakati, “Iyo ntha wakuŵatorera patali chomene kuti wângapokera Mzimu Mutuŵa,” iyo wakayowoya. O, mlongosi, iwe ukhale nkhanira na icho. Icho chiri makora. Iyo wakati, ūa Tchina ūara kumanyuma kula, wakati iyo wangawapanga yayi kurutirira na kuti, “Ise tikugomezga Yesu Khristu.” Wakati, “Chira chikâwa makora,” kweni wakati iyo wakaŵapanga iwo kukhala penepapo mpaka chinyake chikachitika, ndipo pamanyuma iwo wâkazgoka Wakhristu ūneneko.

¹¹ Ine nkhati, “Umo ndimo ichi chikuchitikira, mlongosi. Waphalireni waka iwo, ūwarekeni iwo wakhale mpaka chinyake chichitike.”

¹² Uli usange wâpostole wakayowyenye, sono, pamanyuma pakuti pajumpha mazuŵa nayini, “Ise tikugomezga kuti ise tapokera Uwu, wonani, tiyeni tichizomere waka Ichi mwa chipulikano ndipo tirutirire na mlimo withu”? Wonani, ichi nthena chikachitika yayi. Iwo wâkalindizga kula mpaka iwo wakamanya kuti chinyake chikachitika. Ndipo ilo ndilo suzgo na ise muhanyauno, ise tikulindizga nyengo yitali yayi. Enya, ndicho chifukwa pamanyuma ise tingamanya kukhala waka mtundu uliwose wa umoyo, kuchita chirichose, kwambura kutisuska ise, chifukwa ise ntha tikukhala kula nyengo yitali chomene. Muhanyauno ise tiri mkatî, machero ise tiri kuwaro, ndipo nthowa *iyi* na nthowa *ijo*. Usange ise tikukhala nyengo

yitali chomene mpaka imwe mukunjira na kujara chijaro kumanyuma kwini, imwe mukhalenge mwenemula. Imwe mwadidimizgika mpaka dazi la uwombozi winu. Ine ndine wakukondwa chomene za icho.

¹³ Ndipo ise tikaŵa na nyengo yiweme, umo ine nanguyowoyer, ku Phoenix na kujumpha mu dambo na Wakhristu ŵanandi kula, ŵanandi ūa iwo ŵakurutirira kukhalanga umoyo uweme.

¹⁴ Ine nkharuta ku South Mountain, muwoli kumanyuma kula, na ine. Dazi limoza para, ŵabwezi, m'bale wane, Doc, wakasunga ŵasungwana ŵawiri, ndipo—ndipo M'bale na Mlongosi Wood ŵakasunga mnyamata, ndipo ine na muwoli wane tikaŵa ku holide. Ndipo iyo wakati, “Bill, iwe ukumanya, iyi yanguŵa holide yimoza yikuru kuruska yimoza yapakudankha.” Iyo wakati, “Nyengo yakudankha ise tikaruta ku holide, chinthu chekha pera ine nkhachita chikaŵa kukhala mu msasa na kulindizga iwe kuti uwereko kufuma ku kazengera,” iyo wakayowoya.

¹⁵ Ine nkhapanga ndondomeko yichoko, iwe ukumanya. Ine nkhaghanaghana, “Enya, sono, ine ndirije ndalamu zinandi.” Nkhasunga mu chithini, zakukwanira kuti ningaruta pa ulendo wa kukazengera, ndipo kweni ine nkhanozgekeranga kuti nitorenge nyengo yira yakupuruta. Ntheura ine nkhaghanaghana, “Kupanga waka chose ichi pamoza,” imwe mukumanya. Ndipo—ndipo apo ine nkharutanga pa ulendo wa kukazengera, iyi yikati yiŵenye holide, iwe ukumanya, ndipo ntheura ise tikasazgana. Kweni nyengo iyi ise tikalipira vyose mwakukwanira ndipo nadi tikaruta, ndipo, chifukwa, tikaŵa na nyengo yiweme.

¹⁶ Ndipo ŵanandi ūa iwo ŵakwiza kufuma ku kachisi kuno. Ine nkhugomezga M'bale Sothmann, banja lake liri kumanyuma kula, na M'bale Tom Simpson na iwo, na M'bale Maguire, ndipo tose tikaŵa na nyengo ziweme mwa Fumu.

¹⁷ Ndipo ntheura ise tikaruta ku South Mountain, kwenekuko ndi kumwera waka kwa Phoenix, ndipo tikaruta waka kutali na kupanikizgika kula. Uh! Kupanikizgika mu msomba wasono! Ndicho chifukwa para ŵanthu ŵayamba kwandana pa charu chapasi, kwananga, na nkhaza vikunjira. Ndipo ine nkhalaŵiska kuchanya kula, ndipo chikhaliire nkhanira pachanya ntheura ise tikamanya kuwona dambo la Phoenix, ine nkhayowoya kwa muwoli, “N'khumanya yayi kasi ndi kalinga, kufumira apo ise takhalira kuno mu maminiti fiftini agha, kuti Zina la Fumu likugwiriskika ntchito pawaka mu msomba ula?” Hmm?

¹⁸ Pafupifupi, enya, mu chigaŵa chikuru, kusazgako Tempe na—na Sunnyslope, na kujumpha kula, ine nkhusachizga muli ŵanthu miliyoni mu dambo lira. Ine nkhati, “Virimika firii handiredi vyajumpha kukawa chirichose yayi kweni

mukawâ waka thengere na âwakambwe mula. Ndipo ichi panyake, mu maso gha Fumu, chingâwa chiweme usange uwu ukawerera kumanyuma ngati ntheura.” Uwo mbunenesko. Nangauli ukuru—msumba ukuru uwo iwo âwakazenga kula, na nyumba zakutowa na vinyake ntheura, nvyakutowa. Kweni chingâwa chiweme, chingâwa chiwememiko usange mwanarumi na âwanakazi âwakayendanga kukwera na kakhira misewu na mawoko ghawo muchanya mu mphepo, kumuchindikanga Chiuta na kumuwonganga Iyo. Kweni, m’malo mwa icho, ndi kutuka, kuchitanga viheni, kumwanga. Zomerezgani waka chitukuko chinjire, ndipo uheni uli mwenemula.

¹⁹ Ine nkhati, “Kasi ndi vigoloro vilinga vikachitka usiku wamara, usiku wamara mu msomba uwu! Kasi mbalinga âwakalowera! Kasi ndi nyumba zilinga... Kasi ndi vilinga—kasi ndi vinthu viheni vilinga ivyo vyachitika mu ora laumaliro, mu msomba ukuru uwu!”

²⁰ Ndipo muwoli wakayowoya kwa ine, iyo wakayowoya chinyake ngati ichi, umo ine nkhaghanaghanira, “Kasi phindu liwenge vichi la kwiza kuno ntheura? Ntchifukwa uli imwe mwangureka nyumba kuti mwize kuno?”

²¹ Ntheura ine nkhati, “Apa pali icho chiriko. Pamanyuma pa vyose vira, âweneawo nadi mbanandi, kweni âwachoko waka kusika kula. Kasi ndi malurombo ghalinga ghakakwera kuchanya usiku wamara kusika kula, kwizanga waka ku chisopo?”

²² Ndipo Iyo wakaâwa muweme chomene kwa ise mwakuti matchalitchi ghakazuranga pambere zuâwa lindanjire, mwakuti imwe munganjira yayi mu balaza kuzingilira malo. Ndipo mabungwe ghara na vinyake ntheura, ndipo Fumu yikapungula Mzimu Wake ndipo yikawâtumbika iwo. Ndipo ine nkhawezgako nkhonya yiriyose yayi, nkhaturirira waka kupharazganga Ivangeli. Ndipo nyengo zinyake, nkhumanya, ichi ntchakupweteka chomene, kweni ndi nthowa yekha pera ine nkhumanya. Ichi ntchakupweteka muno. Ntheura ichi chizamkuâwa chakupweteka chomene pa Malo gha Cheruzgo uko ise tikwenera kuti tikakumane na ichi. Ntheura, chose pamoza, ichi chikaâwa chinthu chauchindami. Ndipo ise tikukhumba kuti tiwonge mpingo kuno chifukwa cha kutiromberanga na kukhalanga nase, na—na kutisunga ise kufupi na mphinjika.

²³ Ndipo sono kuwereranga kunyumba nyengo iyi, mkatî muno, ndipo ine nthena nangwiza mlenji uwu panyake kuti ndirombere âwarwari âwanyake. Ine ndiri na âwanandi âwakuti nikumane nawo awo âwakulindizga, masuzgo agho âwanyake âwa iwo nkhakumana nawo mazuâwa ghangapo kufumira apo ine nkhaâwa kuno, âwakhala âwakulindizga kukwana mwezi kufumira apo ine nkhaâwa kuti ndaruta. Ntheura iwo âwakuyezga kuti âwafike

iwo mwaluŵiro waka umo iwo ūwangachitira, kuŵatora iwo kufuma ku malo ghakupambanapambana uko iwo ūwakukhala.

²⁴ Para Fumu yazomerezga, pafupifupi mu masabata ghanyake għawiri, ine nkhuruta ku Tucson, uko ndi chigāwa chakusika. Ndipo sono ūwanthu ġa biznesi nyengo iyi, ntheura imwe mungamanya kupempherera ichi...Ine nkhutemwa yayi kuchita chirichose mpaka chakudankha ine nigomezze kuti ili ndi khumbo la Fumu. Sono, ungano unyake ukuru uzamkuwa mu Modesto ndipo pamanyuma kufuma kula kuruta ku Washington, chigāwa, Washington, na ku Zurich, pamanyuma Palestina, ndipo pamanyuma kunjira mu South Africa. Ndipo yose iyo yikuchitika pakatikati pa sono na Juni. Ndipo ine nkhachemeka kuwa mupharazgi pa maungano ghose agha. Ndipo ichi panyake chingandipasa mwaŵi ine wakuruta ku South Africa kamozaso. Kuchema kwawo, myezi yiriyose ise tikupokera makalata għa ntchemo. Kweni usange yimoza...

²⁵ Muli kuswekana kukuru mu mipingo, mipingo ya Pentekosite. Ndipo usange iwe waruta ku chigāwa chimoza, chinyake ntha chiwengen na chakuchita chirichose na uwu. Ndipo iwo ūwakoleranengeko yayi pamoza, ntheura ine nindaruteko sono pa virimika pafupifupi fayivi ndiri na ntchemo mu mtima wane kuti ndirute. Ndipo sono, panyake usange ūwanthu ġa biznesi ūwandizomerezgenge ine, na zakukwanira waka kuti nikhazikike, uko ndi kufuma ku vigawva vyose viwiri, imwe wonani, ndipo ntheura icho chikuwapanga iwo wose kufika ku kutalika. Iwo wose ūwakwenera kuti ġwafike na kukoleranako mu ula chifukwa vyakusoweka vyawo vya ndalamha vya yawo—vyakusoweka vya mipingo yawo viri kula, ntheura iwo ūwakwenera kuti ġwafike ūwathaske wenewawene wawo, imwe wonani. Ntheura panyake ili lingawwa khumbo la Fumu, munthowa yiriyose, ine nkhumanya yayi. Ichi chikuwoneka chiweme, kweni ine nkhumanya yayi.

²⁶ Ndipo ntheura, mu chirimika ichi, M'bale Borders wandipa ine ndondomeko ya ulendo, panji, ntchemo. Ndipo, mu unenesko, likawa buku likiuru kujumphha kawiri *agħo ghafika kufumira Khrisimasi yajumphha*, għa ntchemo kulikose zingirizge. Ndi zinandi chomene ku malingaliro għa munthu kuyezga kuti nipange chigamuro, ntheura ine nkhazomerapo yiriyose yayi ya izi. Ine nditorenge waka ungano umoza, na kulindizga na kuwona uko Fumu yindiphalirenghe kwakuti ndirute kufumira kula, ntheura ine ndirutenge ku wakurondezgako, ndipo pamanyuma wakurondezgako, na kulikose Iyo wakundiphalira ine kuti ndirute. Ntheura, imwe mundirombere ine.

²⁷ Ine nkhukumbukira chirimika chamara, kusika na M'bale...panji na wa Mlongosi Cox kusika kula, para M'bale Arganbright wakandiyimbira ine kuti ndirute pa ulendo uwu kuruta ku Anchorage. Uli usange ine nkharutenge pa ula mwakuchita waka kughanaghanira kuti ichi chikawwa makora?

²⁸ Sono, ine nkaghagananga kuti, *kughanaghanira*, ine nkapharazga pa chisambizgo cha icho. Ine nkhati para ine ndaruta kula, nkhaŵaphalira wanyamata wâ matepi, “Kupanga matepi yayi. Kuruta kukapanga matepi yayi, ine ndiphazarzenge pa visambizgo vyenevira ine nkachita kuno.” Ine nkughaganaghana kuti ine nkapharazga umoza uwo ine nkachita kuno, ghanyake ghose ghakawâ ghaphya. Ndipo M’bale Maguire wali nagho, igho ghose.

²⁹ Kughaganaghanira. Ntheura usange ine nkharutenge, *kughanaghanira* kumtunda kula, ichi nadi chikati chiwêngé chakulekana na icho chikachitika, mboniwoni nthena yikakwaniriskika yayi. Kweni mboniwoni yikakwaniriskika, ndipo imwe mose mukumanya icho, umo Fumu yikatumbikira.

³⁰ Sono, pali chinthu chinyake icho chiri kuwa pa mtima wane nyengo yitali. Mpingo, romberani ichi. Mwaŵanthu mose imwe kuno mukumanya kuti kufumira apo ine nkhaŵa mynamata muchoko ine ndiri kukhutiskika yayi mu charu ichi. Mtima wane wose nyengo zose wakhala ukunwekera Kuzambwe. Ndipo ine nkukumbukira para ine nkhadumuranga utheka kwa amama-vyara wane kumtunda kula mu malo ghachoko agho ghakawâ...ghakawâ gha mpingo kuno, malo ghara. Ine nkakhala pa masitepu, ndipo Mzimu Mutuwâ wakayowoya kwa ine, Iyo wakati, “Ine nikutumbikenge yayi iwe mpaka iwe undipulikire Ine kwathunthu, ngati Abraham.” Mukuwona? Ndipo, Abraham, Chiuta wakamuphalira iyo kuti wajipatule iyomwene ndipo warute kwayekha. Ndipo, para iyo wakati wachita, iyo wakaruta na dada wake, muphwa wake. Ndipo kufikira kuti Abraham wakamupulikira kwathunthu Chiuta, ntheura pakaŵa kukwaniriskika kwathunthu kwa icho Chiuta wakamulayizga iyo. Ndipo chakunikaka, chimoza cha vyakunikaka vyane icho chikanikaka ine kuno, wakawâ amama wane. Imwe mukumanya icho. Ndipo sono amama wâli kuruta kukakhala na Fumu Yesu. Ndipo ine—ine nkhumanya yayi nthowa uko ningang’anamukira, chakuti ndichite, ntheura imwe mundirombere ine.

³¹ Sono, M’bale Neville, ine nkafumapo pa gome, ine nkaghaganaghana, “Enya, ine ndirutenge kuwaro kula.” Munyake wakakumana nane ndipo wakati, “Mwe, iwo wâli na chisopo chikuru chomene usiku uwu.” Wakati, “Iwo wâwenge na chisopo cha upharazgi, chisopo cha kwimba, chisopo cha malurombo, ndipo pamanyuma kutora chakupereka, ndipo pamanyuma wakati iwo wâli na—wâli na kuchapanana marundi, monesko, na chisopo cha ubapatizo.”

³² Ine nkaghaganaghana, “M’bale wachitima! Mwe! Mwe, vyose ivyo, ine nkhumanya kasi icho ntchichi, panyake pamanyuma pa kupharazga mwankhongono mlenji uwu.” Sono, ine nkaghaganaghana, “Ine ndirutengeko kula, panyake iyo wamukhumba kuti nipereke monesko.”

³³ Ndipo iyo wakati, “Kasi iwe ungatiyowoyeska ise usiku uwu usange iwe ukuwona kurongozgeka?” Ntheura ine nkhumanya kasi chira chikung’anamura vichi. Ntheura pamanyuma ine nkharutako ndipo nkhatora Lemba apa ndipo nkhatora manotisi ghachoko, ndipo panyake Fumu yindivwirenge ine kuti nipereke waka Uthenga ufupi wa maora pafupifupi ghanayi, ndipo pamanyuma ise tiwenge na kwithu—kuchapana marundi kwithu, ndipo pamanyuma monesko. Ndipo pamanyuma, ndipo, o, ine, panyake ine ndizamkuwa kuti namalizga nyengo yira. Yayi, ine nasekanga waka nawe. Pafupifupi twente, maminiti sate, ndipo pamanyuma ise tiwenge na ubapatizo, marundi... Kasi ntchichi chikurondezga ichi, monesko? Monesko ukurondezga ichi, pamanyuma chisopo cha ubapatizo.

³⁴ Sono, ise ndise wakukondwa kuti imwe mubapatizikenge. Sono, usange ndi kukhumba kwa Chiuta ndipo icho chamukondwereska Iyo, ndipo ichi chiri makora na mliska na wantru, pa Sabata yikwiza mlenji ine ndizamkwiza kuzakarombera warwari, na kuyowoya, usange Fumu yazomerezga, pa Sabata yikwiza iyi, chifukwa ine panyake pa Sabata yikwiza ine ndizamkuwa kuti naruta nyengo yira. Ndipo sono para ine ndiri kuno, ine nkutemwa kwiza na—na kuyowoya kuno, chifukwa ise tikuwa ngati tikukoleranako pamoza ngati wabale, na M’bale Neville na ine kuno, ndipo ise—isie tikutemwana yumoza na munyake, ndipo ise—isie—isie tikukhumba kuti tikhale pafupi na kovvirana yumoza na munyake umo... .

³⁵ Ichi chikuwoneka chakunyoza, kweni ine nkugomezga kuti ichi ntha chikuwoneka mwantheura umo kwa iwe, Mr. Cory wakayowoya nyengo yimoza, iyo... . Ine nkhaŵa mu kampeni ya nyali, kuguriskanga mababu gha kampane. Ndipo iyo wakiza na mababu ghanandi chomene gheneagho nthena ghakamusunga iyo virimika vinayi panji vinkhonde, ine nkhang’anamuka ndipo nkhangula Ford kwa iyo. Iyo wakati, “Billy, ine nkugomezga kuti ise tikukwanthana waka msana yumoza na munyake.” Ntheura icho ndi, enya, kuwa kovvirana waka mu nyengo ya kusoweka. Ntheura icho ndi—icho ntchiweme. Ise tikumanya umo ise tingafikira ku kuthaskana yumoza na munyake na kovvirana yumoza na munyake.

³⁶ Sono, tiyeni tirute ku chigâwa cheneko cha ichi sono, ndipo usange ine nkunangiska yayi, ine nkugomezga kuti ine nkhuwona M’bale Beeler kumanyuma chomene uko, m’bale munyake mupharazgi. Ndipo muhanyauno para ine nanguti najumpha, M’bale Junie Jackson wanguyimirira kuwaro uku mu balaza na M’bale Creech. Kasi iwo wakuwa na chisopo kuno nyengo zinyake? Chisopo cha ubapatizo, ine nkhuwona. Viri makora, ise tingamanya kuwasangira maji usange iwo wângasanga munthu. Ise—isie tiri nagho maji, viri makora.

³⁷ Ntheura sono, pakuwa kuti ise tiwenge na monesko, ine nangughanaghana kuti chiwenge chiweme usange ine nanguyowoya pa monesko pa maminiti ghachoko waka.

³⁸ Sono, pambere ise tindafike ku Mazgu, tiyeni ise tisezgere kumphepete chirichose sono, na nthowa zithu zose za wanichi na umwana, ndipo—ndipo tinjire mu Kuwapo kwa Chiuta mwa lurombo. Tiyeni tirombe. Sono na mitu yithu yakusindama, ndipo ine nkugomezga mitima yithu nayoso, usange muli chakupempha muno icho mukukhumba...imwe mukukhumba kuti chimanyikwe kwa Chiuta, ndipo mukukhumba kuti ine ndimukumbukireni imwe panthazi pa Chiuta, uli imwe mupange waka ichi chimanyikwe pa kuchita kukwezga woko linu kwa Chiuta. Chiuta mupaseni waliyose chakupempha chake.

³⁹ Chiuta Mwenenkhongono, Wiske wa Fumu yithu Yesu Khristu, Uyo wakamuwuska Iyo ku wakufwa ndipo wakamukhazika Iyo ku woko lamaryero la Chikurukuru, wamoyo kwamuyirayira kupanga maweyerero pa vinthu ivyo ise tikugomezga kuti Iyo wakatichitira ise, ndipo tikuzomerezga ichi kuwa ntheura. Ise tikuomba, Fumu Chiuta, kuti usiku uwu, kuti Imwe mutigowokerenge zakwananga zithu. O, ise tikukhumba kuti tikhallenge kusi kwa Ndopa nyengo zose, pakuti ise tikumanya yayi icho chingamanya kuchitika. Vinthu vyose pafupifupi vyakwaniriskika, ise tikuwona ntheura, Fumu, kuti kwiza kwa Fumu kuli pafupi. Ndipo ise tikunozekera kuyamba ulendo. Ndipo apo ise tikughanaghana za ulendo, ise panyake tighanaghanenge za masutikesi, na—na vyakuvwara vinyake na skapato zinyake. Kweni umo uliri wakulekana na ulendo uwu! Ndi kupakira yayi; ndi kujikhutura, kusezgera kumphepete. Umo muteweti Winu mukuru, Paulos, wakayowoyeru mu Buku la Wahebere, chipatulo 12, “Ise tisezgere kumphepete uzitu wose na kuwura kugomezga uko kukutitimbanizga mwaluwiyo ise, mwakuti ise tingamanya kuchimbira na chizzipizgo chipharizagano icho chawikika kunthazi kwithu.”

⁴⁰ Ndipo ise tingachima yayi sono za vinthu viweme ku charu chasono ichi. Chinthu chekha pera icho ise tingamanya kuchima kwizira mu Mzimu ndi, ngozi, masuzgo, vindindindi, mphepo zikuru pa nyanja, zuwa ndipo mwezi kutondekanga, mpingo mu muwiyo wa Laodikeya, Khristu kuwaro kwa muryango, kukhung’uskanga kuti wanjire. O Chiuta! Ngati waka Mikaya wakale, kasi iyo nthema wakamutumbika uli Ahab penepapo uchimi uka wa wakususkana na iyo? Para muprofeti mukuru yura wankhongono, Eliya, wakaruta kwa iyo, ndipo pakuti iyo wakatora umoyo wa munthu wambura kwananga yura, Naboti, ntheura iyo wakati, “Ntchewe zizamunyambita ndopa zako.” Ntheura kasi Mikaya nthema wakachima uli vinthu viweme?

⁴¹ Kasi wa ña ñakuzuzgika na Mzimu ña muhanyauno ñwangachima uli viweme ku ñakwananga, ñanthu ñambura

kupwerera awo wali kuyikhazika Fumu kuwaro? O Chiuta, ise tikuwona waka vyakuwinya via cheruzgo kunthazi. Ndipo tikuchemerezga kwa iwo weneawo wali makora yayi, "Chimbirirani kwa Fumu, pakuti Iyo ndi Jarawe mu charu chakuvuska! Iyo ndi Kwakuthawirako mu nyengo ya mphepo yakuputa. Ndipo Zina la Yehova ndi Chigongwe Chakukhora, ndipo warunji wakuchimbirira mu Ichi ndipo mbakuvikiririka." Kasi ise tingaghanaghana uli za misumba yikuruyikuru yira yakuzengeka, ya kuphokwerako, ndipo para murwani... wakuchimbizga munthu ndipo iyo wakafika mu—chigongwe, iyo wakawa wakuvikiririka, paka'wavye chikamanya kumukhwaska iyo. O Chiuta, rekani ise tichimbire ndipo tichimbilire kwa Yehova, pakuti Iyo ndi Kwakuphokwera kwithu na Nkhongono zithu, na wovwiri wakusangikirathu mu nyengo ya suzgo. Ntheura, pakuchita kula'wiska na jiso la nombo, umo kuka'wira, suzgo kupangikanga, mabingu kugubuduzgikanga, chidududu na leza via cheruzgo kwizanga pa charu chapasi, ise tikumanya kuti chimphepo chikuru chiri pafupi.

⁴² Usiku uwu, Fumu, ise tikurombera a'wa muno awo wangukwezga mawoko ghawo. Ine nkhumanya yayi icho iwo wakhumbanga, Wadada, Imwe mukumanya. Ine nkuromba kuti Imwe mupereke chirichose ku mauzima ghawo ghakuzirwa, kuti ching'anamuro kumanyuma kwa icho woko lira langukwezgekera. Perekani ichi, Fumu. Chizgani warwari. Pembuzgani wakuvuka. Perekani chimwemwe kwa wakupwetekera. Perekani mtende ku wakuvuka, chakurya ku wanjara, maji ku wanyota, chimwemwe ku wachitima, nkhongono ku mpingo. Fumu, wikan Yesu pakati pithu usiku uwu, apo ise tikuozgekera kutora monesko kwimilira thupi Lake lakumenyeka. Ise tikuromba, Fumu, kuti Iyo watichezgerenge ise mu nthowa yapachanya.

⁴³ Tumbikani gulu lichoko ili, mliska wake wakutemweka, M'bale withu Neville na banja lake, na madikoni, mathrastii, na munthu waliyose uyo wali muno. Tumbikani wanyake, Fumu, kulikose charu zingirizge, awo wakulindizga na chimwemwe ku kwiza kwa Fumu, nyali wabuska, ndipo vyakufumiskira josi vyose vyatozgeka, ndipo Kuwara kwa Ivangeli kukuwara mu malo gha mdima.

⁴⁴ Sono, ndivwireni ine, Fumu, na Mazgu ghachoko agha. Tumbikani Agha apo ise tikuwazga Agha, ndipo mutipe chakuyowoya, pakuti ise tikuromba ichi mu Zina la Yesu. Amen.

⁴⁵ Sono tiyeni tijure mu Buku, ku chipatulo 6 cha Yohane Mutuwa, ndipo chingawa chiweme usange waliyose wa ise wangawazga chipatulo chose ichi para ise takafika kunyumba. Ine nkukhumba kuti ndiwazge, kuyambira pa vesi 47, kukhira kufika 59, ghose, kuwa ngati waka nthowa ya kupangira mutu pa chisambizgo cha: *Monesko*.

Yesu wakuyowoya sono, pa chiphikiro. Yikaŵa nyengo yikuru, viphikiro ivi vikâwa. Iwo âwakamwa maji kufuma ku jarawe, kuyimira Jarawe ilo likâwa mu mapopa. Ndipo iwo âwakurya, kuyimira mana agho ghakawa virimika vinandi vyajumpha, mu chikumbusko. Ichi chikâwa waka chiphikiro cha pasaka, umo ise tiriri nacho usiku uwu.

Inya, inya, ine nkhumunenerani imwe, Iyo mweneuyo wakugomezga pa ine wali na umoyo wamuyirayira.

Ine ndine chingwa chira cha umoyo.

Ŵadada ūwinu âwakarya mana mu mapopa, ndipo ūali kufwa.

Ichi ndi chingwa icho chikwiza kufuma kuchanya, kuti munthu wangamanya kurya ichi, ndipo wakufwa yayi.

Ine ndine chingwa chamoyo icho chikiza kufuma kuchanya: usange munthu wangarya chingwa ichi, iyo wakhalenge wamoyo tuyirayira: ndipo chingwa icho ine ndiperekenge ndi thupi lane, cheneicho ine ndiperekenge kuwa umoyo wa charu.

Ŵayuda mwantheura âwakapindana iwoŵene pakati pawo, kuti, Kasi munthu uyu wangatipa uli ise thupi lake kuti tiryé?

Ntheura Yesu wakanena nawo, Inya, inya, ine nkhumunenerani imwe, Pekhapekha imwe murye thupi la Mwana wa munthu, na kumwa ndopa zake, imwe mulije umoyo mwa imwe.

Uyo yose wakurya thupi lane, na kumwa ndopa zane, wali na umoyo wamuyirayira; ndipo ine nizakumuuwuska iyo pa dazi laumaliro.

Pakuti thupi lane ndi chakurya cheneko, ndipo ndopa zane ndi chakumwa cheneko.

Iyo mweneuyo wakurya thupi lane, na kumwa ndopa zane, wakukhala mwa ine, ndipo ine mwa iyo.

Umo Ŵadada ūamoyo ūali kunditumira ine, ndipo ine nkhukhalira umoyo Ŵadada: ntheura iyo mweneuyo wakurya ine, nanga ndi iyo wakhalirenge umoyo ine.

Ichi ndi chingwa chira icho chikwiza kufuma kuchanya: ntha ngati ndiumo ūadada ūwinu âwakaryera mana, ndipo ūali kufwa: kweni iyo mweneuyo wakurya...chingwa ichi wakhalenge umoyo tuyirayira.

Vinthu ivi wakayowoya iyo mu sunagoge, umo iyo wakasambizganga mu Kapernahum.

⁴⁶ Nkuromba Fumu yitumbike Mazgu Ghake. Ine nkhukhumba kuti, pa maminiti ghachoko waka, niyowoyepo pa: *Monesko*. Kasi lizgu lakuti *monesko* likung'anamura

vichi? *Commune chikung'anamura* "kuyowoyeskana." Kuŵa na, kuti...*Monesko* nadi chikung'anamura "kuŵa na wenenawene, kuyowoyeskana yumoza na munyake." Usange imwe mukuyowoya pa foni kwa munyake, imwe mukuŵa na kudumbirana apo, imwe mukuyowoyeskana yumoza na munyake. Ndipo usange ise tingasezgekera pamphepete na kuyimirira kumanyuma kwa nyumba, waliyose payekhapayekha na mliska, panji wânthu âwâiri, iwo wakuyowoyeskana yumoza na munyake.

⁴⁷ Sono imwe ntha mukuyowoyeskana kwizira mu rediyo, chifukwa imwe mungazgorako yayi, panji television. Kweni para... Imwe mungachita kwizira pa telefon, chifukwa imwe mukuyowoyeskana yumoza na munyake, ntha ndi chigaŵa waka chimoza. Ichi ndi... Ine ningachezga namwe yayi sono, chifukwa imwe mukuzgorako yayi. Ntheura, ipo, ntha kuŵenge kwiza kuzakapulika mupharazgi wakupereka uthenga wake. Icho chiŵenge ntheura yayi, kwizanga pamoza, ku kuyowoyeskananga. Monesko ungaŵa yayi icho... Usange imwe mwafika kuzakayowoyeskana waka na mupharazgi, imwe mbwenu mumuchemerenge iyo pa mphepete, panji munthu munyake payekha, na kuyowoyeskana nayo mwanarumi panji mwanakazi.

⁴⁸ Kweni ku icho ise tikunjiramo, monesko, ndi wa waliyose wa ise ngati payekhapayekha kuti tiyowoyeskane na Khristu. Uko ndi kuyowoyeskana. Ntheura, kuyowoyeskana ntha ndi *yumoza* pera kuyowoyanga, tose kuyowoyeskananga, kweni kulindizganga na kuwona icho Iyo wakuyowoya kwa ise.

⁴⁹ Sono, apo ndipo, nyengo zinandi, kuti ise tikupanga kunangiska kwithu kukuru, ndi, ise tikuchita kuyowoya kose ndipo tikulindizga yayi na kumupa Iyo mwâwi kuti wazgorepo. Ise nyengo zinyake, tikuti, "Fumu, ine nkukhumba kuti Imwe muchite *chakuti-na-chakuti* na *chakuti-na-chakuti*, amen," na kunyamuka na kuruta. Sono, uko nadi ndi kuyowoyeskana yayi. Uko ndi kuruta na kupempha chinthemwa. Kweni para imwe mwakhala po nyengo yitaliko mpaka Iyo wazgore, apo ndipo imwe mukuŵa na kuyowoyeskana, kuyowoyeskana na Fumu. Sono, ndipo nthowa yikuru yakuyowoyeskerana, ndi kuzomerezgana, imwe mukwenera kuti muzomerezgane pa vinthu vinyake. Sono, ndipo ndi chachilendo kuti nyengo zinyake para ise tikutora vinthu ivyo...

⁵⁰ Kurya kukwendezgana na ichi. Sono, imwe mutore wânthu wâbizinesi, para iwo wakukhumba kuti wapange bizinesi, iwo wamuchemerenge munyake ku chakurya. Ndipo para iwo wakhala pasi na kurya, ndipo pamanyuma wakuyowoyeskana yumoza na munyake. Muguriski muweme wa malonda, kenekanandi iyo wakuyowoya yayi kwa munthu para wali na njara. Ntchiweme chomene kulindizga mpaka iyo wapulike makora, ndipo para iyo warya chakurya chake chamlenji. Kuruta

kula yayi na kukamuwuska mutulo iyo na kumuphalira iyo za chinyake icho iwe ukukhumba kuti uguriske kwa iyo, kweni lindizga mpaka iyo waŵe kuti warya chake chamlenji ndipo—ndipo wali nkhanira mu kawiro kaweme.

⁵¹ Dazi linyake, nkhapharazganga pa mwanakazi uyo wakachapa marundi gha Yesu, kunena mu Canada ine nkhayowoyanga ichi, kuyowoyanga kuti para mlendo wakati wafika kuzakachezgera munthu munyake, munthu uyu wakaŵa na ndondomeko zinyake iwo ūwakayenera kuti ūwayendemo pambere iwo ūwakaŵa ūwandapulike ūwakunozgeka kuti ūwafike kuzakachezga, panji, kudumbiskana. Kuchezga ndi kudumbiskana. Sono, iwo ūwakamanyanga kwiza ku... Kuchemeka, chakudankha imwe mukwenera kuti muchemeke. Ntheura imwe mukafikanga ku muryango ndipo wantchito wakamuchapaninge marundi, chifukwa nthowa, imwe mukaŵa na fungo la-la vinyama na vinyake ntheura mu nthowa. Iwo wose... ūwanthu ūwakendanga nthowa yeneyira na vinyama, ndipo—ndipo ntheura pakaŵa fungo na fuvu, ndipo chakuvwara cha chiPalestina chikanyamula ili ndipo ili likademerera pa thukuta la marundi, na chisko uko kukaŵa kwambura kubenereraka, na-na pa mawoko. Ndipo—ndipo iwo ūwakawâkhalikanga pa muryango, wantchito wakachitanga, ndipo wakachapanga marundi ghawo. Ndipo ntheura mwanarumi munyake wakayimirira apo na thaulo na—supa ya mafuta, ndipo iwo ūwakathiranga mafuta agha pa mawoko, ndipo iwo ūwakaghaphakanga igho ngati *ntheura*, na-na kuphaka agha kumaso kwawo, pamanyuma kutora thaulo na kujipuputa iwoŵene. Ghara ghakafumiskapo fuvu lose na fungo. Ndipo agha ghakaŵa na chinyake mu agha icho chikapangiskanga kufewa, ngati mafuta, ndipo agha ghakaŵapanga iwo kupulika makora.

⁵² Pamanyuma iwo ūwakanjira mkatı, ntha kuvwara skapato zinu zakale zakubinkha, makalipeti ghaweme ghara, iwo ūwakaŵa na ghachoko, ngati ghachoko ghakwendera munyumba, ndipo iwo ūwakamanyanga kunjira mkatı. Ndipo ntheura—mlendo wakamanyanga kunjira mkatı ndipo—ndipo mweneko mbwenu—wakawâpokereranga iwo na mufyofyontho. Ndipo, wonani, imwe mungakhumba yayi kuti mweneko wamufyofyontheri usange imwe mukaŵa na fungo liheni. Imwe mungakhumba yayi kuti tuyende pa makalipeti para imwe mukaŵa ūwakubinkha. Ndipo ntheura mweneko wakamanyanga kumufyofyonthani imwe, ndipo ntheura imwe mukaŵa waka yumoza wa ūwa munyumba.

⁵³ Ndipo, sono, Chiuta wali na vinthu vyantheura. Pambere ise tindanozgekere mwakukwanira ku monesko wa Chiuta, ise chakudankha tikwenera kuti tichapike na maji gha Mazgu. Kupatukana, maji gha kupatulanya agho ghakutipatula ise ku zakwananga zithu. Sono, chakudankha, imwe mungayowoya

yayi Chiuta ndipo imwe mungayowoyeskana nayo yayi Chiuta, ndipo pali...Chakudankha, imwe mukwenera kuti murape pa icho imwe mwachita, chifukwa imwe mungagomezga mwakwenerera yayi mpaka imwe mwarapa, "Fumu, gowokerani kuwura kugomezga kwane." Mukuwona? "Gowokerani kuwura kugomezga kwane." Imwe mukwenera kuti murape, chakudankha. Ndipo, para imwe mwarapa, ntheura imwe ndimwe...zakwananga zinu zakale zagowokereka, ntheura imwe ndimwe wakwenerera kubapatzika. Sono, pamanyuma Iyo wakalayizga Mzimu Mutuŵa, para mwabapatzika.

⁵⁴ Sono, nkhanî ndi, njakuti, pa kurya monesko uwu, ise tikusanga kuti pakaŵa—kuchapana-marundi na vinthu vyakwendezgana na icho, navyoso, kuti tichape marundi ghithu, ngati chimanyikwiro cha utozgi wa Mzimu Mutuŵa.

⁵⁵ Sono, ntheura, pakwenera kuti paŵe kakhwaskikiro kakuyana. Usange imwe mwapindikana na munyinu—mwenekomalo winu, ntheura imwe—imwe mungachezga yayi. Yayi, imwe—imwe mungachita yayi ichi, chifukwa imwe mukususkana na iyo. Kweni usange imwe muli mu kuzomerezgana, ntheura imwe mungamanya kuchezga. Ntheura umo ndimo ichi chiliri para ise tikwiza ku gome la Fumu, ise tikwenera kuŵa mu kuzomerezgana na Mazgu Ghake. Mukuwona? Ise tikwenera kuti tibabikeso, Mzimu wa Chiuta mwa ise kuyowoyanga "amen" ku Lizgu lirilose ilo Iyo wali kulemba, ntheura ise tingamanya kuchezga nayo Iyo.

⁵⁶ Ichi ise tiri nacho kufuma kwa Chiuta, usange mitima yithu yikutisuska yayi ise, ntheura ise tiri na kutemwereka na Chiuta. Ise tikumanya kuti tikupokera vyakupempha vithu na dandaulo lithu, ndi chifukwa chakuti mitima yithu yikutisuska yayi ise. Sono, usange Chiuta wakutiphalira ise kuti tikwenera kuti tibabikeso, ndipo ise tindapokere kubabika kuphya, ntheura ise tiŵenge na kapulikiro kachilendo pachoko za kurutanga, kumufumbanga chinyake Iyo, wonani, chifukwa ise tikumanya kuti tindachite vyakukhumba Vyake. Chinthu chekha pera chiripo ndi lurombo la wakwananga. Kwenti ise tikuyowoyeskana na Iyo para ise tiri mu wenewenawene na Iyo, icho chikwiziska wenewenawene.

⁵⁷ Sono, nthowa iyi ya monesko, ine nkhukhumba kuti ndirongosore kanyengo kachoko. Sono, ise tikutora, icho ise tikuchema *monesko*, ndi chingwa na vinyo. Sono, icho chirri kutanthauzika mwaujira chomene mpaka ichi ntchiweme yayi nanga nkuyowoya za ichi. O, umo icho chirri kutanthauzikira mwaujira kufuma virimika vinandi kumanyuma! Uwo ndi monesko nadi yayi, uko ndi kusunga waka languro. Mukuwona? Sono, chifukwa icho ise tikuchemera uwu monesko, ndi chifukwa chakuti ichi chikufumira ku bungwe la Katolika ilo likuti "Chibama Chituŵa, cheneicho ndi thupi leneko la Fumu

Yesu.” Kweni ili nthā ndi thupi la Fumu Yesu! Ichi chiri waka mu kukumbukira thupi Lake.

⁵⁸ Ine nkupwerera yayi kwali ndi wāsofi wālinga panji wāpharazgi, panji waliyose uyo wakutumbika icho, ichi ndi chingwa ndipera na vinyo. Kulije msifi umo ise...iwo wākutiphalirira ise, kuti, “Chiuti ndi wakukakamizgika kupulikira musofi para iyo wakutembenuza monesko,” icho iwo wākuchema monesko, “Chibama, kuzgoka thupi leneko la Fumu Yesu. Ntheura wakugomezga wakutora icho, ndipo uwo ndi monesko.” Uko ndi kwananga!

⁵⁹ *Commune* ndi “kuyowoyeskana, kuyowoyeskana na, chinyake icho iwe ungamanya kuyowoyeskana nacho ndipo ichi chikuzgorenge iwe.” Uko ndi kuyowoyeskana. Chibama chingamuzgorani yayi. Ntheura, mu unenesko, monesko weneko ndi Mzimu Mutuŵa kumuzgoraninge. Para imwe mukumuromba Iyo, ntheura Iyo wakumuzgorani, uko ndi kuyowoyeskana kweneko. *Ichi* ndi chikumbusko, kutora... cha kupayikika Kwake na chiwuka Chake, ndipo nthā monesko. Ise tikuchichema ichi ntheura, kweni ndicho yayi. Ichi chikiza kufuma ku mpingo wa Katolika, za kutoranga chibama ichi ngati ndiumo ise tikajumphiramo dazi linyake mu dongosolo, na kuyowoyanga za ichi pa *Uchikunja Kwimikananga na Chikhristu*.

⁶⁰ “Umo kuti kachibama kachoko aka karaundi ndi thupi leneko la Khristu.” Sono, mpingo wa Katolika ukugomezga icho. Kasi imwe mukawonapo, para wākujumpha pa tchalitchi, iwo wākujipanga mphinjika iwoŵene, wākuvura vipewa vyawo, na vinyake ntheura? Ndi tchalitchi yayi, ndi chibama chira mkatī mula, “thupi lira ilo wasembe watembenuza kufuma ku chibama kufika ku thupi leneko la Khristu,” uko mijantcha na mbewā zingamanya kunyamura kuruta nacho ichi. Chifukwa, imwe nthā, mungaghanaghana yayi za kughanaghana kwamahara na kughanaghana kuti chiwarukwa cha chingwa chingawā thupi la Fumu Yesu! Ichi chingawā yayi.

⁶¹ *Communion* ndi “kuyowoyeskana, ndipo ichi chikukuzgora, chinyake icho iwe ukuyowoyeskana nacho.” Lizgu pera lakuti *commune likung'anamura* “kuyowoyeskana,” panji, “kuŵa pa ubwezi na chinyake icho chikukuyowoyeskia iwe.” Ndipo Chiuta wakumuzgorani imwe, kuyowoyeskana. Ndipo ndi chingwa ndithu na vinyo, icho ise tikuchema monesko.

⁶² Sono, Yesu wakayowoya apa, apo ine nkhuŵazga, “Thupi lane ndi chakurya na chakumwa, Ndopa Zane, thupi na Ndopa ndi chakurya na chakumwa.”

⁶³ Sono, ise tikukhumba kughanaghana za Yesu na kumulumikiza Iyo, icho Iyo wakaŵa. Kasi thupi Lake ndi vichi? Kasi thupi la Khristu ndi vichi? Ndi thupi la wākugomezga awo wāli kulumikizana na Iyo mu Mzimu Mutuŵa. Ntha chikozgo,

ntha chiwarukwa cha chingwa, kweni Mzimu uwo uli mu mtima wa wakugomezga, ndipo iwo wali kulumikizana pamoza, kuti para munthu na Chiuta wângamanya kuyowoyesekana yumoza na munyake, wana wânarumi na wana wânakazi wa Chiuta. Munthu wathupi, kwizira mu kuthiskika kwa Ndopa kukiziska kugowokereka kwa kwananga, ndipo mwanarumi uyu na mwanakazi uyu, mnyamata panji msungwana, uyo wali na wenenawene na Khristu, wakuyowoyesekana na Iyo, thupi.

⁶⁴ Umo mwanarumi na muwoli wângamanya kukhala pasi na kudumbirana ichi, panji mnyamata na chibwezi chake, Khristu na Mpingo Wake wâkuyowoyesekana pamoza. Ndicho chifukwa ise tingamanya kupulika kufuma kwa Iyo, na kuwona vyakunthazi pambere uku kundafike apa, ndipo tingamanya kuyowoya vyakunthazi kuti uku nkhuweme, chifukwa chakuti ise tikumanya kuyowoyesekana na Chiuta Uyo wakukolera Umuyaya mu woko Lake. Kuyowoyeskananga yumoza na munyake, Thupi la Khristu, lamchindindi, Thupi lauzimu la Khristu. Ntha lakulumikizana na mtundu uliwose wa chikozgo, panji chingwa panji—vinyo, kweni mu—kawonekero kaузиму.

⁶⁵ Sono, Yesu wakayowoya chinthu chenechira. Imwe mutore Yohane Mutuâwa, chipatulo 4, wakayowoya ku mwanakazi pa chisime, iyo wakayowoyanga pa chinthu ngati, “Wadada wîthu wâkamwa pa mbwiwi iyi, ndipo wâkajima chisime ichi, Jacob, ndipo—ndipo wakaperekwa ku wâna wâke na ng’ombe zake cha maji agha, ndipo Iwe ukuti, ‘Mukusopa mu msumba unyake,’ ndipo wânyake wâkuti, ‘Mu phiri ili.’”

⁶⁶ Yesu umo—mwapakuru umo wakayowoyer, “Miniti pera! Ise ndise Wayuda, ndipo ise tikupulikiska kasi ichi ntchichi, icho kusopa kukung’anamura. Kweni tegherezga ku ichi, mwanakazi. Ora likwiza, ndipo sono lafika, kuti wâkumusopa wâneneska wazakumusopa Chiuta mu Mzimu na mu Unenesko. ‘Mazgu Ghinu ndi Unenesko.’ Ndipo Wadada wâkupenja wânantheura awo wâmusopenge Iyo mu Mzimu na mu Mazgu, Unenesko. ‘Mazgu Ghinu ndi Unenesko.’” Sono, Iyo wakayowoya icho ku mwanakazi.

⁶⁷ Wonani, Khristu...Chiuta ndi Mzimu. *Khristu chikung’anamura “wakuphakazgika, munthu wakuphakazgika na Chiuta,”* ndicho chikamupanga Iyo kuwa Khristu. Sono, Khristu wakati, “Ine ndine Chakurya na Chakumwa.” Ntha chibama, ntha chibama icho ise tikutora apa. Icho ndi Khristu yayi. Vinyo uyo ise tikumwa pa guwa, ndi Khristu yayi. Uyu wakuyimira Iyo, mu kuyowoya kwakuzweta. Kweni Khristu ndi Mzimu Mutuâwa, uphakazgi uwo uli pa Mpingo, icho ndi Chakurya na Chakumwa.

⁶⁸ Kulira kukuru chomene uko kuliko mu charu chose, ine nkhugomezga palije yumoza wa imwe wali kukupulikapo uku, kweni, usange imwe mukapulikapo, kulije kulira kungayana na

kulira kwa njara. Para imwe mukuwona mama wali na mwana wake, ndipo iyo wangayenda yayi pakuti iyo wafoka chomene, ndipo bonda muchoko wakufwa, na kanthumbo kake katupa chifukwa cha njara, kupulikanga kulira kula uko kukufumira mu mtima wa mama yura kumuwona mwana yura na matama ghake ghanjira mkati mpaka igho ndi chikumba na viwangwa, ndipo ntchende zake zikuwara, ndipo iyo wakutondeka kulira, ng'o, maso ghake ghachoko ghatupa. Kulije kulira kwakuyana na njara na nyota.

⁶⁹ Kuwaro mu vipalamba, kasi ndi wānthu wālinga wāli kutaya maumoyo ghawo chifukwa cha nyota! Nkhani zinandi, kuti ine ningamanya kumusungani imwe usiku wose, za nkhani zaunenesko za chipalamba. Umo kuti para imwe mwafika... nyota yamukorani, umo devulu wakumupasirani imwe-chigomezgo chautesi. Imwe muli kuviwonapo ivyo kuno, imwe nthu mukwenera kuti murute Kuzambwe kuti mukaviwone ivyo. Rutani ku msewu, ndipo pakuwoneka ngati kuti pali maji pa msewu. Waliyose wa imwe wali kuchiwona icho, imwe muli kwendeskapo galimoto ndipo muli kuwapo pa msewu ukuru. Agho ndi mawonekero ghautesi. Kuno nyengo yinyake kale, pafupifupi virimika vitatu panji vinayi vyajumphya, ine nkhwāzga uko mabaka ghanyake, ghakawurukanga kujumpha charu, ghakawona mawonekero ghautesi ndipo ghakawa pa msewu, kughanaghana kuti igho ghakadekanga pa maji. Ndipo igho ghakavikitika waka, ghakadeka pa msewu panonono, kughanaghananga kuti igho ghakadekanga mu maji, mawonekero ghautesi.

⁷⁰ Kasi devulu wali kuchita kalinga chinthu chantheura icho ku wānthu, kuwapa iwo mawonekero ghautesi, uko, kulije kalikose kula, kwen ndi chigomezgo waka chakuchita kupanga. Wānthu wānandi chomene muhanyauno wākutora chisopo chakuchita kupanga, kuyezganga kupanga chinyake panji kujikhungurufya ngati kuti pali chinyake penepapo palije chirichose! Ngati ndiumo mwanakazi muchoko wamishonare wakayowoyera kuti iyo wakalindizga mpaka iyo wakasimikizga. Ntchiweme ise tichite icho. Imwe mungizaso yayi na kuyezga ichi kamozaso. Imwe muli na mwaŵi umoza, ndipo imwe muli nayo Pulani, ntheura ntchiweme ise tirute nkhanira ku chilinganizgo.

⁷¹ Kulira kwa njara, tegherezgani, ndi kulira kukuru chifukwa ndi kulira kwa chitima. Munthu wakufwa. Ndipo, o, usange ise tingafika ku malo ghara, usange charu ichi chingamanya kufika ku malo uko ichi chikāwa na njara chomene ya Chiuta! Ichi chiri mu njara yakofya chomene kuruska vyaru ngati India ivyo viri na njara yakuthupi, charu ichi chiri na njara yauzimu. Kweni para imwe mwakhala na njara nyengo yitali chomene, iyi yikufika ku malo kuti imwe mukumanya yayi kuti muli na njara.

⁷² Kuyana waka na kukhoma kwakuzizima. Para imwe mwafika patali chomene, kukhoma kwakuzizima, imwe

mukuzizima chomene, ntheura para pajumpha kanyengo imwe mukufunda. Ndipo para imwe mwachita, imwe mukufwa! Ndipo icho ndicho chikuchitika usiku uwu. Mipingo yafika pa kuzizima chomene mpaka iwo wakukhoma kwakuzizima, ndipo wakughanaghana kuti iwo mbakufunda, pakuchita kulembeska zina, ndipo wakufwa kuuzimu. Kufwa! Ntha wakumanya ichi. Paumaliro, iyo wakugona pasi kuti wagone tulo, ndipo ndicho chekha chiriko ku ichi. Iyo wakuwukaso yayi, chifukwa ndopa zake zakhoma mu misempha yake.

⁷³ Sono, nyota. Yesu wakati, “Ndopa Zane ndi chakumwa cheneko.” Usange imwe muli na njara ya Umoyo, muli na njara ya Umoyo, Yesu wali na maji ghekha pera agho ghangamanya kumazga nyota yira. “Zanine kwa Ine, mose imwe mwavuka ndipo mwazotfyeka.” Uko mu Chivumbuzi, ili likati, “Rekani iyo mweneuyo wali na nyota wafike ku mbwiwi ya maji gha Umoyo ndipo wamwe kwaule.” Usange imwe muli na nyota ya Umoyo!

⁷⁴ Ise tikuwona kuti wamanyenzezi wakurosksra, nyengo yinyake mu chigawa ichi kukwambilira panji chigawa chakudankha cha mwezi, kwambira pa 2 panji pa 5, panji pamalo ghanyake chamudera mu mwezi uwu, wamanyenzezi wa ku India wakarosksra kuti charu chipunthenge mu viduswa. Ndipo nyazi za mu America zikanyoza ichi. Ine nkhu Gomezga yayi kuti charu chizamkupuntha mu viduswa, kweni ine nkhu yowoya kuti ndi kwananga kunyoza ichi. Chifukwa, chinyake chiri pafupi kuchitika limoza la mazuwa agha, chinyake chakukozganako na icho, para mapulaneti ghankonde, Mars, Jupiter na Venus, na-na ghanyake ntheura, ghafika mu yawo-yawo... Agha ghaka wa ghandachite ichi. O, iwo wakuyowoya kuti panyake virimika twente-fayivi sauzandi vyajumpha, kweni ndinjani waka wako kula kuti wamanye ichi?

⁷⁵ Ine nkhachizga kuti ichi chiri na chakuchitika chauzimu. Ine nkhu Gomezga uku ndi kwiza kwa nkhani ya Chiuta, kuti mauvumbuzi ghakuru gha Mazgu ghavumbukwenge mu nyengo iyi. Kumbukirani, iwo wakuyowoya kuti zika wa nyenzezi zitatu izo zikafika mu nthowa yawo para Yesu wakati wababika. Ndipo ichi ndi fayivi, ndipo fayivi ndi uchizi, nambala ya uchizi. Firii ndi nambala ya kufikapo. Fayivi ndi nambala ya uchizi, J-e-s-u-s, g-r-a-c-e, f-a-i-t-h, na ghanyake ntheura. Nambala ya uchizi! Chiuta kutumanga nkhongono Yake ku mpingo, uwu uwenge uchizi Wake, ntha kuwenge kupulikira kwa wantru. Ndipo Yesaya wakayowoya, mu chipatulo 40, umo kuti “wakachemerezga ku Yerusalem, kuti nkhondo yake yikamara,” kweni iyo waka wa wakususkika chifukwa cha kusopa vikozgo, kweni ukawa uchizi wa Chiuta uwo ukatumanga ichi. Chiuta wakutuma chirichose kwa ise, uwenge uchizi Wake ndipo ntha vyakutiyenerezga withu. Ntheura, ichi panyake ching’ anamurenge chinyake. Ine nkhachizga kuti

kuwenge kusintha. Ine nkhumanya yayi kasi ichi chizamkuwa chivichi, kweni ine nkugomezga kuti ichi chiru pafupi kuchitika. Ise tiri pa...nkhanira pa umaliro wa ichi sono.

⁷⁶ Ndipo usange munthu munyake wali na njara, rekani iyo wafike kwa Khristu. Usange munthu munyake wali na nyota, rekani iyo wafike kwa Khristu. Iyo wakumazga nyota. Iyo ndi Mukhutiski wa vyose nyota na njara yithu.

⁷⁷ Ine nkhaŵa na nkhanzi iyo yikaphalirika kwa ine nyengo yinyake kale. Ine panyake ndiri kuyiyowoyapo iyi mu mpingo uwu. Usange ine ndiri kuchita, imwe mundigowokere ine pa kuyiwerezgaso waka iyi kuti niperekere fundo. Kukawa murongozgi wa Chimwene, panji, ngati mulawiriri wa Wamwene. Iyo wakayendanga mu charu cha Navajo, ndipo wakawa, wakazgewa. Zina lake wakaŵa Coy. Ndipo iyo wakayendanga mu nthowa, nthowa ya vinyama, ndipo iyo wakaghanaghana, “Sono, usange ine nasanga nthowa iyi, ine mwakufikapo nditisangenge maji.” Ndipo kavalo wake wakaŵa na nyota chomene mpaka lilime lake likafuma kuwaro, likawomira, mphuno zikaswesika ndipo zikaphya na muchenga. Iyo wakaŵika thaulo lake ku maso kwake mu mphepo za pa muchenga mpaka ili likaphya, ndipo wakafwanga, kukhumba maji. Ndipo iyo wakarongozganga kavalo wake para iyo wakati wayisanga nthowa. Ndipo iyo wakati, para iyo wakati wakwera pa kavalo iyo wakawona nthowa iyi ya vinyama, wakati, “Nadi iyi yinditorerenge ine ku maji.” Ntheura iyo wakuduka wakutangalara pa kavalo wake ndipo wakayamba kukhira na nthowa.

⁷⁸ Ndipo kavalo wakamanya nayoso kuti wakaŵa pa nthowa yakuruta ku maji. Umo Chiuta wakuperekera kamanyiro ku vikoko vyambura kuyowoya! Ndipo wakaruta kukhira na nthowa. Paumaliro, tuchoko tukapatukira kulwandi limoza, tuchoko waka chomene tukapatuka ku nthowa yakuvutuka. Kavalo wakakhumbanga kuti wakhwetere kudera kula, kweni Coy wakaghanaghana mwakulekana. Iyo wakayezga kumusungirira uyu mu nthowa yikuru yakuŵara, ndipo iyo wakamupanga kuti wayende ndipo kavalo wakayenda yayi. Iyo wakamujonka uyu, ndipo uyu wakalira pachoko ndipo wakayamba kuruta nthowa yinyake. Ndipo uyu wakayamba kusuzga. Uyu wakafoka chomene kuti wamuviskire pasi iyo.

⁷⁹ Ntheura iyo wakayamba kukwetera vyakusongoka ku uyu kamozaso, mpaka iyo wakamucheka kavalo, wakakondwa chomene kuti wakafike ku maji, umoyo wake uthaskikenge, mpaka kavalo wakayima, wakunjenjema, wakusulura ndopa. Ndipo iyo wakalaŵiska pasi, wakalaŵiska pasi kula, ndipo uyu wakanjenjemanga ngati *ntheura* ndipo pafupifupi kuwa musi mwa iyo. Iyo wakamulaŵiska uyu, ndipo wakawona ndopa kulwandi kwake. Iyo wakaŵa Mukhristu. Ndipo iyo wakayowoya ku kavalo wake, iyo wakati, “Ine nyengo zinandi

ndiri kupulika icho vyamuthengere...panji, vikoko kuti vikâwa na kamanyiro. Ichi ntha chikuwoneka ngati kuti tuchokotuchoko tula tukapatukira kudera kula tuwenge kuti tukuruta ku maji. Ichi chikawoneka ngati kuti nthowa yikuru iyi uku nthema yiwarongozgera uko izi kaŵirikaŵiri zikarutanga ku maji, kweni,” wakati, “usange iwe wandinyamura ine mwakugomezgeka kufika uku, ine ndirondezgenge kamanyiro kako.”

⁸⁰ O, umo ine nkhughanaghanira za icho kukhwaskana na Khristu! Nthowa yakuruta ku kuperanyika yikulengezeka ndipo njakuŵara ulendo wose, kwemi yiriko nthowa yifinyi iyo yikurazga ku Umoyo. Mbachoko wâwengepo awo wâyisangenge Iyi. Wekha, ntha kamanyiro, kwemi Mzimu Mutuŵa wamupatuskireninge imwe ku maji ghara gha Umoyo. Ine nkhughanaghana, Uwu wandifikiske ine makora kufika uku, ine ndiutorenge Uwu ulendo wose.

⁸¹ Kuti nimarizge nkhani, iyo—iyo ntha wakayenda kujumpha hafu wa kilomita, mpaka, nyengo yimoza, kavalo wakafika nkhanira mu chiziŵa chikuru cha maji. Kavalo wakamanya icho wakayowoyanga, icho wakang'anamuranga mu nthowa yake ya kuwoneskera kwa—mukweri. Iyo wakanjira mula. Iyo wakati iyo wakaponya maji muchanya mu mphuno ya kavalo. Iyo wakageza iyomwene, iyo wakalira ndipo wakachemerezga, ndipo iyo wakachemerezganga mazgu ghake pachanya, na kathiranga maji ku chigolomiro chake, na kuliranga, “Ise taponoskeka! Ise taponoskeka! Ise taponoskeka!” Ndipo kavalo, wakumwa, na kunjenjemanga. Ndipo uyu wakalaŵiska kulwandi kwake kwakusulura ndopa, ndipo vyose vikachitika na vyakulasa vyakusongoka.

⁸² Ndipo wakayowoya penepapo, iyo wakati...wakapulika munyake wakuti, “Fumamo mu maji.” Ndipo iyo wakalaŵiska, ndipo pakaŵa mliska wakupendera pachoko wa ng’ombe wakayimirira apo. Ndipo iyo wakafumamo mu maji. Iyo wakati wakayowoya kuti wakapulika fungo la moto, ndipo iyo wakalaŵiska, ndipo pakaŵa gulu la wânarumi likâwa pa msasa kula. Iwo wâkarutu kula pa kafukufuku wa bizinesi. Iwo wâkasanga golide munyake, ndipo pa ulendo wakuwerera iwo wâkaŵa na wâkavalu wâwo na wâkavalu wâkunyamula katundu panthowa, ndipo iwo wâkafika ku chiziŵa ichi cha maji ndipo wâkapumuranga, ndipo iwo wose wâkalowera.

⁸³ Ndipo wâkayowoya kuti wâkaŵa na nyama yinyake yakuphika, ndipo iyo wakarya nawo. Ndipo wâkati, yumoza wa iwo wakati, “Imwapo.” Iyo wakaŵaphalira iwo icho iyo wakaŵa, iyo wakaŵa Jack Coy, a—murongozgi wa Chimwenye. Ntheura iyo wakati, “Enya, sono, imwapo.”

Iyo wakati, “Yayi,” iyo wakati, “Ine nkhumwa yayi.”

⁸⁴ Ndipo kula ndi kunyoza ku wānthu wāra. Ntheura iyo wakati, “Iwe umwenge chakumwa kufuma kwa ise!”

Iyo wakati, “Yayi, ine nkhumwa yayi.”

⁸⁵ Ntheura iyo wakaponya jagi muchanya, ndipo wakati, “Imwapo!” Wakalōwera, iwo wose, imwe mukumanya, pafupifupi hafu wa dazeni.

Ndipo ntheura iyo wakati, “Yewo, wānyamata.”

⁸⁶ Wakati, “Usange nyama yithu njiweme chomene kurya, moŵa withu nguweme chomene kumwa.”

⁸⁷ Ndipo imwe mukumanya umo iwo wāliri, wākulōwera. Ndipo iyo wakati, “Yayi,” iyo wakayowoya.

⁸⁸ Ndipo iwo wākabonya chipolopolo mu futi, ndipo wākati, “Sono iwe umwenge panji chinyakeso!”

⁸⁹ Iyo wakati, “Yayi. Yayi, ine nimwenge yayi.” Ndipo iyo wakayamba kudinikizga futi. Wakati, “Pachoko waka.” Wakati, “Ine nkhopa yayi kufwa.” Iyo wakati, “Ine—ine nkhopa yayi kufwa.” Iyo wakati, “Kweni ine—ine nkukhumba kuti ndimuphalireni nkhanzi yane pambere ine nindachite, chifukwa icho ine nkhumwa yayi.” Wakati, “Ine ndine wa ku Kentucky.” Iyo wakati, “Ndipo mu kanyumba kachoko kakale kamathabwa mlenji umoza, umo mama wakaŵa chigonere wakufwa, iyo wakandichemera ine kumphepete kwa bedi lake, ndipo wakati, ‘Jack, adada wāko wākafwa wāli na mulu wa makadi mu woko lawo, pa thebulo, walōwera.’ Ndipo wākati, ‘Kumwa yayi, Jack, chirichose iwe ukuchita.’” Ndipo wakati, “Pa chisko cha amama wāne ine nkhaŵikapo mawoko ghane. Ndipo ine nkhamulayizga Chiuta, ngati mnyamata muchokwa msinkhu wa virimika teni, ine nizamkumwa yayi nanga ndi kamoza.” Iyo wakati, “Ine ndiri kumwapo yayi uwu.” Ndipo wakati, “Sono usange iwe ukukhumba kunilasa, iwe ungalasa.”

⁹⁰ Ndipo umo mulōhevū wakanyamuska futi yake ndipo wakaponya jagi muchanya kamozaso, wakati, “Imwapo panji ine nikulasenge!” Ndipo nkhanira nyengo yeneyira futi yikalira ndipo jagi likasweka.

⁹¹ Chiyimilire kumphepete kwa chibuwu chikuru kukaŵa mliska mulara pachoko wa ng’ombe, wakupendera, wali na masozi ghakukhira mu matama ghake. Iyo wakati, “Jack, ine naneso nkufumira ku Kentucky. Ine nkhapanga phangano kwa amama dazi limoza, kweni ine nkhaswa phangano lane.” Iyo wakati, “Ine nalindizganga kuti mpaka wānthu aŵa wālowere mwakukwanira, ndipo nate nikomenge gulu lose la iwo, munthowa yiriyose, na kutora golide uyo iwo wāli nayo.” Iyo wakati, “Kweni ine ndiri kuŵa mulōhevū ndipo ine ndiri kuchita kwananga. Kweni,” wakati, “Ine ndiri na chisimikizgo kuti para futi yane yikalira kuchanya mu vigawā ivi vya Kuchanya, amama wākandipulika ine nkhusayinira phangano

lakuti ine nizamuchitaso yayi ichi.” Ndipo kula, mwa uchizi wa Chiuta, iyo wakarongozgera wantru wose wara kwa Khristu, wose wara kuwaro kula.

⁹² Chiripo chinyake kukhwaskana na maji, chinyake kukhwaskana na kusisimusika. Fundo yane yanguwa, kuti murute ku maji para imwe muli na nyota. Chiripo chinyake agha ghakuchita kwa imwe, ntchakuti murute ku maji para imwe muli na nyota.

⁹³ Sono, Iyo wakati, “Mtende wane Ine nkhumulekerani imwe. Mtende wane Ine nkhumupasani imwe.” Ntha ngati ndiumo charu chikumupasirani imwe mtende, kweni umo Iyo wakumupasirani imwe mtende. Mtende Wake ukumazga nyota yithu. Usange ise tikukhumba mtende, ipo tiyeni tisisimusikire mu mtende Wake, kumanya kuti ise tiri na mtende na Chiuta kwizira mwa Fumu yithu Yesu Khristu. Iyo ndi mupi withu wa Mtende uyo wakumazga nyota yithu.

⁹⁴ Vesi ilo likuti Iyo ndi Chakurya cheneko na Chakumwa cheneko. Ine ndiri na chakulemba chichoko apa, vesi 57, “Chakurya cheneko na Chakumwa cheneko.” Tegherezgani icho Iyo wakayowoya apa.

*Ndipo umo Wadada wamoyo wali kunitumira ine,
ndipo Ine nkukhalira umoyo Wadada Wane: ntheura
iyo mweneuyyo wakurya ine, nanga ndiyo wakhalirenge
umoyo ine.*

⁹⁵ Mu mazgu ghanyake, “Wadada wakatuma Ine, ndipo Ine nkukhalira Iwo. Ndipo munthu waloyose uyo wakwiza kwa Khristu wakwenera kuti wakhalire Khristu.” O, mwe, apo imwe muli, uwo ndi monesko. Uwo ndi monesko weneko uwo imwe mukusanga para imwe mukukhalira Khristu.

⁹⁶ Sono, mathupi ghithu ghakukhumbika chakurya na chakumwa dazi lirilose, kuti ghakhale ghamoyo, thupi lithu la munofu. Usange ise tikurya yayi dazi lirilose na kumwa, ntheura thupi lithu likufoka. Muli chinyake mwa ise kuti ise tikwenera kuti tiwe na chakurya. Chakurya cha dazi limoza ntha chikhallenge kufikira dazi lakurondezgako. Imwe mukwenera kurya chakurya dazi lirilose, kuti mupereke nkhongono ku thupi linu lachivundi. Imwe mungamanya kukhala wamoyo, kweni muwenge wakufoka. Ndipo dazi lachiwiri, imwe muchali wakufoka. Ndipo dazi lachitatu, imwe mukufika pakufoka chomeniko.

⁹⁷ Enya, icho ndicho nyengo zinandi ise tikuchita mu chigawa chauzimu. Imwe wonani, dazi lirilose ise tikwenera kuyowoyeskananga na Khristu. Ise tikwenera kuti tiyowoyeskanenge na Iyo dazi lirilose. Ise tikwenera kuti tinozge ichi na Iyo dazi lirilose. Paulos wakati, “Ine nkhufwa dazi lirilose.” Mukuwona? “Dazi lirilose, ine nkhufwa; kweni ine ndiri wamoyo, ntha ine kweni Khristu wakukhala mwa

ine.” Ntheura, usange thupi linu la munofu likukhumba chakurya dazi lirilose na maji dazi lirilose, kuti likhale lamoyo, thupi linu lauzimu likukhumbika Chakurya chauzimu na kuyowoyeskananga na Fumu dazi lirilose, kuti likhale lamoyo. Enya. Yesu wakati, “Munthu ntha wakhallenge wamoyo na chingwa pera, kweni na Lizgu lirilose ilo likufuma mu mlomo wa Chiuta.” Ntheura, dazi lirilose ise tikwenera kuti tiwazgenge Baibolo. Wantru wanyake wakuwazga yayi Ili napachoko pose. Wanyake wakulitora Ili kawiri panji katatu pa chirimika. Kweni, mweneko, wakugomezga mweneko uyo ngwakukhora mwakukwanira mwauzimu, iyo wakuwazga Baibolo lake dazi lirilose, ndipo wakuyowoyeskana na Fumu. Uwo mbunenesko. [Pa tepi palije kalikose—Munozgi] Iyo wakwenera kuchita. “Munthu ntha wakhallenge wamoyo na chingwa pera, kweni na Lizgu lirilose ilo likufuma mu mlomo wa Chiuta.”

⁹⁸ Sono, chinthu chinyake icho ise tikuryera chakurya, ntchakuti tikhozge thupi lithu kuti likanizge matenda. Usange imwe mukurya yayi, na kureka thupi linu lakufoka, ntheura ili likorekenge na matenda. Matenda ghanjirenge mu nthowa ya ndopa, ndipo apa imwe mwaruta. Usange ndopa zinu ntha ziri na vyakukhumbikwira vyose na utuwa, enya, ntheura izi, nthenda yinjirenge mu nthowa ya ndopa zinu. Ntheura imwe mukwenera kuti muryenge chakurya chiweme kuti musunge makora nthowa ya ndopa zinu. Usange imwe mukuchita yayi, imwe mukukoreka luwiro na matenda. Icho ndicho chikuchitka na Wakhristu wanandi.

⁹⁹ Kuyana waka na mbewu zakupandika mu shedi. Imwe mukumanya, imwe mutore mbewu zakupandika mu shedi, imwe mukwenera kuti muyipwererere mwakwanira chomene iyi. Iyi yikumanya yayi kusintha kwa mphepo. Iyi yikumanya yayi kuwara kwa zuwa na vinthu, iyi njakubenerereko yose ndipo njakupwererereka. Ndipo icho ndicho chikuchitka na Wakhristu wanandi wakujichema ntheura, iwo ndi mbewu zakupandika mu shedi. Uwo mbunenesko, wakukoreka na chibenene chirichose icho chikwiza kufupi! Imwe mukumanya, ndi zekha pera—a... Ndi zekha pera a—mbewu zakufoka ndizo zikwenera kuthirika mankhwala, panji, mbewu za hayiburidi.

¹⁰⁰ Mutore ng’ombe yilara yanakazi ya Hereford ndipo muyi’wike kuwaro kula pa munda wa utheka, ndipo muwike ya mphopndo zitali kuwaro kula, ya mphondo zitali yira yingamanya kuruta uko yikukhumba chifukwa iyi ndi mtundu wa chilengedwe. Kweni mutore Brangus panji Hereford izo ndi mitundu yiwi na hayiburidi, iyi ndi ng’ombe yiwemi pa kuyilawiska, nadi, yakututuwa na yathanzi, kweni imwe muzi’wike kuwaro kula, izo zingamanya yayi kwakuruta. Izi zifwenge! Izi zikwenera kuti zinyengerereke. Mukuwona?

¹⁰¹ Ndipo icho ndicho chikuchitka muhanyauno, ise tiri na Wakhristu wakuvwara makora, matchalitchi ghakuru,

na wānandi wā—wā masambiro, wānandi wākusambira vyauchiuta, kweni iwo wākwenera kuti muwānyengererenge nyengo zose, imwe mukwenera kuti muwālawiskire mu galasi lawo panji imwe mukulawiska yayi munthowa yiriyose. Icho ise tikukhumbikwa ndi Wākhristu wānyake wākukhora, wākubabikira pasi pa Ndopa za Fumu Yesu, awo ntha wākukhalira umoyo pa ivyo mpingo ukusambizga, kweni vyakufuma ku Mazgu gha Chiuta, kuyowoyeskananga na Khristu. Mazgu kunjiranga mu wakugomezga, wake—thupi lake lauzimu likuzengeka. Ntha mwana wakukulira mu shedi!

¹⁰² Panguŵa mupharazgi munyake wanguyowoya muhanyauno, ine nangumupulika iyo, iyo wanguyowoya icho pa rediyo, iyo wanguti, kuti para iyo wakati wafika mu charu, iyo wakaŵa na suzgo likuru la mongozera, ndipo iwo wākayowoyanga za opareshoni. Ndipo iwo wākayowoya kuti iwo wāchitenge *ichi* na *icho*, na kumucheka iyo na kumujura, na kufumiskapo gawo la chiŵalo cha mongozera cheneicho chingapangiska chisko chake kubwfuka, na vinyake ntheura. Ndipo iyo wanguti iyo wakamwa mapilisi ghanandi. Kukuwoneka ngati pakaŵa mapilisi ghanandi chomene agho iyo wakayenera kuti wamwe. Kweni para iyo wakati wafika kwa dokotala muweme Mukhristu, dokotala wakati, “Tiye tiruweko vya mapilisi ndipo tiye tiruweko vya opareshoni, ndipo tiye tikhözge thupi mwakuti ili lingamanya kukanizga mongozera.” Ndicho ichi!

¹⁰³ Kasi chachitika ndi vichi kuti wānthu ntha wākukhala umoyo ngati ndiumo iwo wākachitiranga kale? Ise tikuchita kupokera jekiseni wa *ichi* na jekiseni wa *icho*, na kujifayira taŵene na mitundu yose ya mankhwala. Kasi agha ghakuchita vichi? Agha ghakutipanga ise wākata, wākututuŵa, wākufoka, ngaweme yayi. Penepapo munthu wanyengo zakale... Chifukwa, ise tikuŵenguka na chirichose. Sono iwo wākuŵa na viŵengu vinandi na vinyake ntheura.

¹⁰⁴ Ine ndiri kufikako ku Africa, wāpokeranga yayi jekiseni wa malaria. Kweni uzuzu wa malaria ungadeka pa woko lane, ine mbwenu niŵenge na malaria. Uwu ukulira yayi, ndipo iwe ukumanya chirichose yayi. Uwu ukukudeka, uwu ukukudeka waka, ndicho ichi, iwe waghatora agha. Usange iwe ukhalenge wamoyo, iwe uŵenge nagho agha virimika fiftini. Ndipo nyengo zinyake iwe ukufwa nagho agha. Ndipo kula kukaŵa wēnekokaya wāra mu tunyumba twaivo tuchokotuchoko, na uzuzu palipose pa marundi ghawo, iwo wāli nkholi. Uzuzu kuŵarumanga iwo, uzuzu wa malaria, ndipo ichi chikāŵatangwaniska yayi iwo. Chifukwa? Iwo wākakhözga chivikiliro cha thupi. Iwo wākaŵa na katemera wakupika na Chiuta.

¹⁰⁵ Ndipo icho ndicho chikuchitika muhanyauno na wānthu. Icho ndicho chikuchitika na mpingo. Ise tiri na majekiseni ghanandi chomene gha wāna na kusambira vyauchiuta

vyakupangika na wānthu, mpaka ise tafayirika palipose. Icho ise tikukhumbikwa ndi katemera wa Chiuta mwa Mazgu gha Yehova Chiuta. Munthu wāwenge wamoyo dazi lirilose na mtundu ula wa Chakurya, kuti chikhozge uzima wake mu katemera kufuma ku matenda għauzimu agho ghakwenderera na kudukanga charu chose. Ndiri na manotisi għanandi pa ichi, kwensi ine nkħuyenera kuti nilekezze.

¹⁰⁶ Sono, jikhozgeni, Nozgekerani katemera. Sono, ise tikukhalira umoyo ichi, ghithu—mathupi ghithu ghakwenera kuwa na uyu. Ndipo, usange ise tikuchita yayi ipo ise tiwengen pa urwani ku mitundu yose ya matenda. Ndipo Mazgu għa Chiuta, umo ise tikugomezgera Agha na kughazomera Agha mwa monesko, “Fumu, Mazgu Ghinu ndi Unenesko.”

¹⁰⁷ “Mpingo wane ukuti imwe nħa mukwenera kuti mubabikeso. Iwo wakuti, ‘Kukorananga chasa ndi kubabikaso.’ Iwo wakuti, ‘Kuwarzirika.’ Iwo wakuyowoya vinħu vinyake vyose ibi, ‘Ndicho ichi, Wadada, Mwana na Mzimu Mutuwa.’” Kweni Baibolo likayowoya kuti wabapatisike mu Zina la Yesu Khristu. Mukuwona? Sono, imwe rutiriran na majekisemi ghakuchita kupanga agho usange imwe mukukhumba, imwe mujipangenge mwawene Mukhristi wakuchita kupanga. Mukuwona? Imwe mukuchikhumba yayi icho.

¹⁰⁸ Imwe mungawa nawo yayi Umoyo, kwensi mwa Khristu pera. Ndipo sono kasi Mazgu Ghake ghakuchita vichi? Agha ghakukhoxga thupi lithu lauzimu, lankhongono, apo ise tikuyowyeskana na Iyo, kuti timukane devulu.

¹⁰⁹ Imwe mukuti, “M'bale Branham, kasi ntchivichi ico iwe ukuti, ‘kuyowoyeskananga mu Mazgu Ghake’?”

¹¹⁰ Enya, Iyo ndi Mazgu. “Mu mtendeko mukawa Mazgu, ndipo Mazgu ghakawwa na Chiuta, ndipo Mazgu wakawwa Chiuta. Ndipo Mazgu ghakazgoka thupi ndipo wakakhala pakati pithu.” Ndipo ise tikwenera kuti tiryengeth thupi Lake. Ntheura thupi Lake ndi Mazgu Ghake, chifukwa Iyo ndi Mazgu. Ndipo Iyo wakayowoya, mu Yohane Mutuwa 15, “Usange imwe mukukhala mwa Ine, ndipo monesko Wane, Mazgu Ghane, ghakukhala mwa imwe, ntheura imwe mungaromba ico imwe mukukhumba ndipo ichi chichitikenge kwa imwe.” Apo imwe muli. Uwo mbunenesko. Wonani, rombani ico imwe mukukhumba!

¹¹¹ Kasi imwe mukuchita vichi? Imwe mukukhoxga thupi linu ku katemera kufuma... Munyake wakwiza ndipo wakuti, “O, mpingo withu ukugomezga yayi mu kuchemerezga.” Wonani, imwe ndimwe wakukhora. Vichi? Iwe uli na kuyowoyeskana mwa iwe, Mazgu. Ndipo iwe uli kutemereka ku ichi. Usange gulu la uzereza lafika, kasi ichi ntchichi? Ichi chirije Mazgu mu ichi, ntheura iwe ukumanya makora kuti ichi ntchautesi. Ine nkħupwerera yayi kwali ichi chikuwoneka chanadi uli, usange ichi ndi Mazgu yayi chireke ichi. Unenesko, chireke ichi. Ine

nkhupwerera yayi kasi ichi chikuchita vichi, ichi chikwenera kulingana na Mazgu!

¹¹² Mu kuromba, apo ine nawazganga Mikaya wayimilira apo, wonani, ichi chikawoneka makora chomene, penepepo kukaŵa Israel, ndipo chigaŵa chira cha malo chikawa chawo. Wälendo wara wakiza ndipo wakapoka ichi kufuma kwa iwo ndipo wakazenga nyumba zawo, ndipo iwo wakakhalanga mu chigaŵa cha malo agho Chiuta wakaŵapa iwo. Ntheura ichi chikawoneka ngati kuti waprofeti wara foru handiredi wa Chihebere wakaŵa waneneska. Kweni, imwe mukumanya, chikaŵapo chinyake za Jehoshafati chikaŵa chauzimu, iyo wakati, “Kasi imwe mulije yumoza munyake?”

¹¹³ Wakati, “Ine ndiri nayo yumoza munyake, kweni,” wakati, “Ine nkhumutinkha iyo. Chinthu chekha pera iyo wakuchita ndi kuchima viheni.”

Wakati, “Rutani mukamutore iyo ndipo tiyen timupulike iyo.”

¹¹⁴ Ndipo iyo wakaruta, iyo wakati, “Rutirirani, kwerani mtunda, kweni ine nkhwona Israel wambininika ngati mberere zambura mliska.” Ndipo pamanyuma iyo wakayowoya mboniwoni yake.

¹¹⁵ Sono, ndinjani muneneska? Kukawoneka ngati foru handiredi wakaŵa waneneska. Wantru foru handiredi wakusambizgika makora, wakuti, “Rutani, Yehova wali namwe.” Ndipo nanga ndi Zedekiya wakaŵa na-a-a-wakaŵa... Zedekiya wakapanga mphondo zikuru ziŵiri zachisulo. Iyo wakati, “Na ichi imwe mwamkuŵachimbizga wälendo mu charu.” Iyo wakaŵa na chisimikizgo kuti iyo wakaŵa muneneska. Iyo wakamanya kuti iyo wakaŵa muneneska. Kweni, imwe wonani, iyo wakaŵa mutesi.

¹¹⁶ Ndipo apa, Mikaya, yumoza wakwimikana na foru handiredi, ndipo iyo wakati, “Usange imwe mukwerenge mtunda, Israel wamkumbininika, wambura mliska.”

¹¹⁷ Ndipo wanyake wakati, “Rutani, Yehova wali namwe!” Sono, mwa umwini wa malo, iwo wakaneneskanga, malo ghakawa gha Israel. Kweni Mazgu gha Yehova ghakamususka Ahab, ntheura kasi Chiuta wangatumbika uli icho Iyo wakasuska?

¹¹⁸ Icho chiru apo muhanyauno. Mukuwona? Mazgu gha monesko ghakawa mwa Mikaya. Sono, usange imwe mukuyowoyeskana na Chiuta mu kutoranga monesko weneko, ndipo mzimu mwa imwe ukususkana na Mazgu agha, imwe mukuyowoyeskana na Chiuta yayi, imwe mukuyowoyeskana na viŵanda. Ndipo ivi vikukopera chomene! Baibolo likati, “Mu mazuŵa ghaumaliro iwo pafupifupi wazamkupuruska Wakusoreka usange kungachitika. Kweni kuchanya na charu chapasi vimarenge, kweni Mazgu Ghane ghamarenge yayi.”

Ndipo usange a... Paulos wakayowoya, Ḥagalatiya 1:8, "Usange mungelo kufuma kuchanya wakupharazga ivangeli linyake lirilose padera pa Ili leneilo imwe muli kupulika kale, rekani iyo watembeke." Nanga ndi mungelo! Mu mpingo wakudankha, para ḫanthu ḫara, ngati Martin Mutuŵa, Irenaeus, ḫanthu ḫara ḫauchiuta, para devulu wakawoneka ngati mungelo wa kuŵara. Kweni, imwe wonani, iyo waŵenge pachoko kuwaro kwa Mazgu.

¹¹⁹ Iyo wakawoneka kwa Eva ngati mungelo wa kuŵara, wakamuphalira iyo, "Nadi, Yehova wakayowoya *ichi*, Yehova wakayowoya *ichi*," kweni iyo wakasuskana na Chiuta nkhanira paumaliro. Ndipo umo ndimo monesko wautesi ukuchitira muhanyauno. Para ḫanthu ḫakughanaghana kuti ḫakuromba kwa Chiuta, ndipo ntha ḫapulikirenge Mazgu, ndi monesko wautesi.

¹²⁰ "Usange imwe mukukhala mwa Ine, ndipo Mazgu Ghane mwa imwe, ntheura rombani icho imwe mukukhumba," wonani, "ndipo ichi chichitikenge." Sono, *ichi* chingaruta yayi nyengo yimoza, mbwenu chikutondeka pamanyuma. "Imwe mukhale mwa Ine, Mazgu Ghane ghakhale mwa imwe," ndiko kuti, khalani mwenemula. *Kukhala* chikung'anamura "kupumula mwenemula, khalani nkhanira mwenenmula." Enya, uku—uku ndi kutemereka ku matenda gha kwananga.

¹²¹ Sono, rekani ine njare mu kuyowoya lizgu limoza ili sono, pambere ise tindarute ku thebulu la monesko. Ndopa na Thupi la Fumu, kusazgikana na chipulikano, izo ndi Ndopa na Thupi, uwo ndi Mzimu na Mazgu, kusazgikana na chipulikano, vikupanga Umoyo Wamuyirayira. "Iyo mweneuyo wakurya Thupi Lane na kumwa Ndopa Zane wali na Umoyo Wamuyirayira, ndipo Ine ndizakumuuska iyo pa dazi laumaliro." Apo imwe muli. Kasi *ichi* ntchichi? Monesko wa Fumu. Mazgu na Mzimu, Umoyo uwu uli mu Ndopa, Mazgu na Mzimu vikupanga Umoyo Wamuyirayira, mwa chipulikano mwa Fumu.

¹²² Apa pali lurombo lane, apo ine nkhuwona umaliro ukwiza ndipo nkhuwona, pa miniti yiriyoze, chinyake chingamanya kuchitika, ndipo tikumanya kuti ise ntha tiri kutali na Kwiza kwa Fumu:

Yehova, ntheura mu Zina la Fumu Yesu, Mwana wa Chiuta, rekani ine nditore Mazgu, Lupanga, na kukhupuzga Ili na chipulikano icho ine ndiri nacho, na kujura nthowa yane kuporopa mu nkhongono yiriyoze ya demone, mpaka ine ndimuwone Yesu, mwakuchita kutoranga Mazgu Ghake.

¹²³ Kuyowyeskananga na Mazgu Ghake. "Usange imwe mukukhala mwa Ine, ndipo Mazgu Ghane mwa imwe, ntheura ndirombeni Ine icho imwe mukukhumba ndipo ichi chichitikenge kwa imwe." Mwe uweme! Uliko monesko weneko

na Mazgu na Mzimu, na chipulikano kukhupuzga Ichi pamoa, “Rombani icho imwe mukukhumba, ndipo ichi chichitikenge kwa imwe.” Tiyen tirombe.

¹²⁴ Wauchizi na Mutuŵa Wakuchindikika Wadada Chiuta, mukuru INE NDINE, El Shaddai, kwa Abraham. O Chiuta, umo monesko ukuru uwu wa Fumu ukupanga Umoyo Wamuyirayira, ndipo umo UWU ukutitemera ku kunyada, umo UWU ukutitemera ku kuwura kugomezga, umo UWU ukutitemera ku kwananga kwa charu! Ndi monesko, na chitemwa Chauzimu kwa Wadada wîthu Wakuchanya. Ndipo mwa urunji wa Yesu Khristu ise tiri nayo nthowa kufika ku thebulo ili. Ndipo ise tikuromba, Fumu, kuti Imwe mupereke kwa waliyose wa ise nthowa yira usiku uwu, mu Mzimu. Mutigowokere ise. Ndipo ise tikukhumba kuti mathupi ghithu ghaузimu ghakure. Ise tikupwerera yayi via kujoyinanga mpingo unyake panji bungwe. Ise tikukhumba kuti tikhözge thupi lauzimu, ku katemera wa kwananga, kufika ku malo uko kulije chilakolako chakuchita uheni, na uko Mzimu Mutuŵa wangamanya kutora Mazgu Ghake Yekha na milomo yithu, na kuyowoya Ichi mwafureshi ngati ndiumo Ichi chikayowoyekera pa nyengo yira, chifukwa UWU ndi Mzimu weneula uwo ukâwa mwa Fumu Yesu. Ine nkhuromba, Wadada, kuti Imwe muperekenghe icho kwa ise.

¹²⁵ Maora ghakumara. Penepapo waka, ise tikumanya yayi, apo yumoza waumaliro wazamkuponoskekera. Kweni ine nkhuromba usiku uwu, Fumu, usange wâlimo muno awo ntha wâkumumanyani Imwe ngati Muponoski wawo, nkhuromba iwo wâmusangeni Imwe usiku uwu apo iwo wâkwiza ku maji agha gha ubapatizo, ngati chikumbusko, kuti wâvumbure ku thupi ili la wâkugomezga kuti iwo wâkugomezga nkhanî kuti Yesu wa ku Nazarete wakababika na mwali Mariya, ndipo wakakomeka, wakapayikika na Pontiyo Pilato, ndipo wakawuskika dazi lachitatu na Chiuta, ndipo wakukhala ku woko lamaryero la Chikurukuru Wake, usiku uwu, wamoyo muyirayira kuti wapange maweyerero.

¹²⁶ Perekani, Fumu, kuti munthu mweneyura, kupulikiranga marango gha Baibolo, “Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke. Pakuti kulije zina linyake kusi kwa Mtambo liri kuperekeka pakati pa wânthu mwenemumo imwe mukwenera kuponoskekero.” O Chiuta, nkhuromba wânthu wâwone kugomezgeka kwa ichi, na Mazgu ghakukhora, “Kulije zina linyake kusi kwa Mtambo liri kuperekeka pakati pa wânthu mwenemumo imwe mukwenera kuponoskekero, kweni mu Zina la Yesu Khristu.” Ipo, mupostoli wakati, “Rapani, waliyose wa imwe ndipo mubapatizike mu Zina la Yesu Khristu ku kugowokereka kwa kwananga, ndipo mupokerenga chawanangwa cha Mzimu Mutuŵa. Pakuti phangano liri ku

muwiyo uliwose, wose awo Fumu Chiuta withu wachemenge.” Perekani, Fumu, mwakuti paŵe ntchemo yikuru usiku uwu.

¹²⁷ Ndipo ichi chiri kuyowoyeka nachoso, na Fumu yithu, “Kulije munthu wangiza kwa Ine pekhapekha Wadada Wane wāmuchaema iyo, na wose awo Wadada wāli kundipa Ine wīzenge kwa Ine. Mberere Zane zikupulika Lizgu Lane.” Mlendo, ndipo usange mlendo waywoya, lizgu ilo liri m’malemba yayi, mwaluwîro mberere zilimanyenge ili. O Chiuta! Ndipo usange ndi Lizgu Linu, Baibolo, icho Ili likuyowoya, mberere yiriyose yipulikenge Ichi, chifukwa Ili ndi Chakurya cha mberere. Iwo wāyowoyeskana. Iwo wākumanya mtundu wa Chakurya icho Wadada wākuzireska. “Munthu ntha wakhallenge wamoyo na chingwa pera, kweni na Lizgu lirilose ilo likufuma mu mlomo wa Chiuta.” Perekani, Fumu, mwakuti wānandi wāchawonenge ndipo wāpulikiskenge, ndipo wīzenge kwa Imwe usiku uwu.

¹²⁸ Iwo wāneawo wālije Mzimu Mutuŵa, nkhuromba iwo wāleke kusinthira ichi ku ora linyake. Nyengp panyake yingawā kuti yamara chomene mu ora linyake. Iwo panyake wāzamkuwākō yayi kuno.

¹²⁹ Ndipo, Wadada, umo ise tawunganirana pa thebulo sono kuti titore chakwimirira ichi cha thupi Linu lakumenyeka, ise tikuromba kuti usange pali kwananga pakati pithu, Fumu, mutigowokere ise. Imwe mukati, “Para imwe mukwiza pamoza, lindiranani yumoza na munyake.” Chiuta, usange muli kwananga mu gulu ili, kulikose, ine nkhuromba kuti Ndopa za Yesu Khristu zimupaturenge mwanarumi yura ku kwananga kwake, panji mwanakazi yura, mnyamata panji msungwana. Ndipo, Wadada, ine nkhujirombera ndamwene, kuti Imwe mundipatureko ine ku nkhayiko yiriyose, kwananga kulikose, kuwura kugomezga kulikose, chirichose icho... Ise tikumanya kuti kuwura kugomezga ndi kwananga. Ndi kwananga kwekha pera uko kuliko. “Iyo mweneuyo wakugomezga yayi ngwakususkika kale.” Ndipo ndi kwananga kwekha pera uko kuliko, ndi kureka kugomezga Mazgu gha Chiuta. Ndipo, Wadada, usange muli kuwura kugomezga kulikose mwa ine, mundigowokere ine, O Chiuta, cheneicho muli kukuru, ndipo ine nkhuromba kuti Imwe mundigowokere ine. Gowokerani gulu lane ilo Imwe mwandipa usiku uwu, ndipo muŵaryeske iwo Mazgu. Perekani ichi.

¹³⁰ Ndipo apo ise tikutora vikumbusko vichokovichoko ivi vyā thupi lakumenyeka la Iyo Uyo wali kuwuka ku wākufwa ndipo ngwamoyo muyirayira pakati pithu, nkhuromba ise tipokere monesko kufuma kwa Iyo, Fumu, kuyowoyeskeka na Mzimu Mutuŵa. Perekani ichi, Wadada. Ise tikuromba mu Zina la Yesu. Amen.

¹³¹ Sono, kwa imwe mwaŵeneimwe mukwenera kuti murute ndipo mungalindizga yayi chisopo cha monesko wa pafupifupi

mamimiti fifitini... Tiri wānandi yayi ise, ndipo ise titorenge monesko. Ntha ndi monesko wakukanizga. Uwu mwakufikapo ndi wa Mukhrisu waloyose wakugomezga. Chiuta walije mzere wakujambulika pakatikati pa Baptist na Methodist, na wānyake ntēura. Ise tose tiri, na Mzimu umoza, kubapatizikira mu Thupi limoza, ndipo pamoza ndise wēnekokaya wā Ufumu wa Chiuta. Ndipo usange walipo munyake pakati pithu uyo ndi mlendo, ine ndiri kuno chomene yayi, ndipo nkhumanya yayi awo ndi mamembara na awo ndiwo yayi. Kumbukirani, palije kanthu kwali imwe muli mu mpingo uli, icho chirije chakuchita na ichi. Kuli Mpingo umoza pera, munthowa yiriyose, ndipo imwe mukujoyina yayi mu Uwu, imwe mukubabikira mu Uwu. Uwo mbunenesko. Ndipo imwe mukubabikira mu Mpingo uwu wa Chiuta. Ndipo ise tikuromba kuti imwe mumupokere Khristu usiku uwu, yowoyesanani na Iyo apo ise tikukumbukira thupi Lake lakumenyeka, na twakumenyeka tuchokotuchoko utu uto ise tikutora, twa pasaka, ndipo nkhuromba Chiuta wawazge mitima yithu na njuwi na Ndopa.

¹³² Sono iwo wīzenge na monesko, ndipo ise tiwazgenge sono kufuma mu 1 Wākorinte, chipatulo 12. Ndipo ise titorenge monesko pamanyuma waka pa ichi, ndipo ise tikugomezga kuti Chiuta wāmutumbikeninge imwe mwapakuru. Ntēura para ise tāwazga waka ichi, panji pambere ise tindawazge ichi, usange imwe mukwenera kuti murute, enya, imwe mungamanya kuruta mwalupusu. Ndipo ntēura muzakāweso nase kamozaso pa Chitatū usiku, na pa Sabata mlenji na pa Sabata usiku. Usange imwe mungalindizga kuti mutore monesko na ise, ise tiwēngē wākukondwa chomene kuti imwe mukuchita ichi. Ntēura para tamara waka icho, yiwēngē Fumu... paŵengē chisopo cha ubapatizo, cheneicho chiwēngē cha maminiti pafupifupi fifitini, panji twente para chatalika chomene, ine nkhusachizga. 1 Wākorinte, chipatulo 11, vesi 23.

...Ine ndiri kupokera kwa Fumu cheneicho ine nkhaperekaso kwa imwe, Kuti Fumu Yesu usiku weneula...weneuwo iyo wakaperekokerā wakatora chingwa:

Ndipo para iyo wakati wawonga, iyo wakamenya ichi, ...wakati, Torani, ndipo ryaninge: ili ndi thupi lane, ilo lamenyekera imwe: ichi chitani mu kukumbukira ine.

Pamanyuma pa kachitiro kantheura iyo wakatora nkhombo, ndipo para iyo wakati wamwapo, wakati, Iyi ndi nkhombo ya phangano liphya mu ndopa zane: ichi imwe chitani, penepapo pose imwe mukumwapo iyi, mu kukumbukira ine.

Pakuti penepapo pose imwe mukurya chingwa ichi na kumwapo nkhombo iyi, imwe mukuwoneska nyifwa ya Fumu mpaka iyo wafike.

Mwantheura uyo yose ntha waryenge ichi... uyo yose waryenge chingwa ichi, na kumwapo nkhombo iyi ya Fumu, kwambura kwenerera, waŵenge wakwanangira thupi na ndopa za Fumu.

Kweni rekani munthu wajisande iyomwene, ndipo mwantheura rekani iyo warye chingwa, na kumwapo nkhombo.

Pakuti iyo mweneuyo wakurya na kumwa kwambura kwenerera, wakurya na kumwa kususkika kwa iyomwene, kwambura kulimanya thupi la Fumu.

Pa chifukwa ichi ânandi mbarwari na âakufoka pakati pinu,... ânandi âakugona tulo.

Pakuti usange ise tingajiyeruzga taŵene, ise tikuerera kweuzgika yayi.

Kweni para ise tikueruzgika, ise tikulangika na Fumu, mwakuti ise tileke kususkika pamoza na charu.

Mwantheura, âabale âane, para imwe mukukumana pamoza kuti murye, lindilanani yumoza na munyake.

¹³³ Sono, kanyengo waka ka lurombo mwakachetechete kurombera waliyose wa ise, mundirombere ine apo ine nkhumuromberani imwe. [M'bale Branham wakuomba mwapasipasi—Munozgi]....?

Perekani vyakupempha ivi, Chiuta Mwenenkhongono. Mutigowokere ise ku kwananga kwithu apo ise tikuŵagowokera weneawo âakutinangira ise. Ichi ise tikuromba mu Zina la Yesu Khristu. Amen.

¹³⁴ Vyakumenyeka vichokovichoko ivi ivyo ndi chingwa chakupatulika chakupangika kwambura mafuta, muchere, na vinyake ntheura, icho chikuyimira thupi la Fumu. Ichi ntcharaundi yayi, ichi ntchakumenyeka mu vpitika. Ndi chifukwa chakuti ichi chikung'anamura thupi Lake lakumenyeka ilo likamenyekera ise. Ndipo nkhuromba Chiuta wapereke vitumbiko Vyake kwa waliyose uyo wakurya ichi. Sono, ichi ndi thupi yayi, ichi chikuyimira waka thupi. Ine ndirije nkhangongo, kulije munyake wali nayo, kuti wapange ichi chinyake kweni chingwa. Chiuta yekha. Ndipo icho ndicho Iyo wakatiphalira ise, kuti tirye chingwa ichi na kumwapo nkhombo iyi ya vinyo. Sono tiyen'i ise tisindamiske mutu withu.

¹³⁵ Chiuta Mutuwâ chomene, Uyo ise ndise âateweti, mu Zina la Yesu Khristu, tuŵiskani chingwa ichi ku mlimo uwo chapangikira, kuti chitipange ise, apo ise tikutora ichi, kukumbukira kuti Fumu yithu yikapayikika; ndipo thupi Lake, lakuzirwa na lituwâ umo likawira, likasazgikana na vitimbo na

minga na mizumali, chifukwa cha ise, kuti kwizira mu thupi Lake lakuparuka mukafuma Mzimu uwo ukutipa ise Umoyo Wamuyirayira. Mphanyi ise, Fumu, apo ise tikurya ichi, tiŵe na uchizi wa ulendo, umo Israel wakachitira virimika fote mu mapopa, ndipo pakawavye yumoza wakufoka pakati pavo. Wadada Chiuta, perekani ichi, apo ise tikumurombani Imwe tuŵiskani chingwa ichi, chingwa chakupatulika, ku mlimo uwo chapangikira. Mu Zina la Yesu. Amen.

¹³⁶ Nkhombo ya Chipangano Chiphya, Ndopa. Ine nkhughanaghana za sumu yira:

Kufuma papo kale mwa chipulikano ine
nkhawuwna mronga ula
Vilonda Vinu vikupereka,
Chitemwa cha uwombozi uli kuŵa mutu wane,
Ndipo chizamkuŵako mpaka ine ndifwe.

¹³⁷ Para ine nkhuwona ndopa izi, magirepi, ndopa za magirepi, ine nkhumanya izi zikuyimirira Ndopa izo zikafuma mu thupi la Fumu Yesu. Mphanyi waliyose uyo wakupokera ichi waŵe na Umoyo Wamuyirayira, mphanyi urwari ufumemo mu mathupi ghawo, mphanyi kulopwa na kufoka, kunyekezgeka, mphanyi devulu (mu kawonekero kalikose) waŵaleke iwo, mwakuti iwo wângamanya kuŵa na nkongono zikuru na thanzi na Umoyo Wamuyirayira, kuti kuŵara kwawo kuware panthazi pa muwiro uheni uwu na uzaghali uwo ise tikukhalamo, kuti timuchindike Chiuta.

¹³⁸ Wadada Wakuchanya, ise tikupereka kwa Imwe chipaso cha mpheska. Mu Zina la Yesu Khristu, tuŵiskani ich, kuti chiyimire Ndopa za Mwana Winu, Yesu, mu Ichi ise tiri na, "Wakapwetekeda chifukwa cha kwananga kwithu, na vitimbo Vyake ise tikachizgika." Perekani, Fumu, kuti Umoyo ula ufile kwa ise, Umoyo Wamuyirayira mu unandi, mwakuti ise tingamanya kumutumikirani makora Imwe, tiŵe na nkongono na thanzi kuti watitore ise kufuma ku malo uko ise tikukhazga kuti timutumikireninge Imwe, kulikose uko Imwe mutichemerenge ise. Perekani vitumbiko ivi, mu Zina la Yesu, ise tikuromba. Amen.



MONESKO CTK62-0204
(Communion)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata kumise, Feburuware 4, 1962, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org